

سہ ماہی

# سرائیکی

بہاولپور

ہُن تھی فرید شادول — مونجھاں کوں نہ کر یاد ول  
جھوکان تھیں آباد ول — ایہا نیشہ نہ دہندی ہک نہیں





سید دین محمد شاہ  
صدر سرائیکی ادبی مجلس (رجسٹرڈ) بہاولپور  
1986 تا حال



# سرائیکی

بہاولپور

جلد نمبر ۱۲ - جولائی تا دسمبر ۱۹۹۹ء - شدہ نمبر ۳۱

- چیف ایڈیٹر (اعزازی) \_\_\_\_\_ جاوید چانڈیو
- ایڈیٹرز \_\_\_\_\_ سید دین محمد شاہ
- ریاض سندھڑ
- معاونت \_\_\_\_\_ ریاض بھٹی
- عثمان شاہ
- سرکولیشن مینیجر \_\_\_\_\_ حفیظ الرحمن
- قانونی مشیر \_\_\_\_\_ عبد القیوم اعوان
- چھاپے گھر \_\_\_\_\_ شوکت قادری
- بسم اللہ پرنٹنگ سروس ملتان

## مقام اشاعت: جھوک سرائیکی بہاولپور

سالانہ ۸۰ روپے

۲۰ روپے

قیمت فی شمارہ

میدوین محمد شاہ ایڈیٹر، پبلشر جھوک سرائیکی بہاولپور توں شائع ہوتا

## تذویر

۳	ترجمہ: سید دین محمد شاہ	القرآن
۴	ادارہ	اداریہ
۵	ایڈیٹر	چالہ مہار
۶	سید دین محمد شاہ	تکلف برطرف
۸	سید دین محمد شاہ	آہ۔ دین محمد شاہ
		فریدیات
۱۳	جاوید چانڈیو	خواجہ فرید تے پل دی فکری سانجھ
		تحقیق تے تنقید
۲۰	رحیم طلب	سیف الملوک و افکری تجزیہ
۲۳	سجاد حیدر پرویز	سرائیکی کافی ہک مطالعہ
۲۸	احسن واگھا	سندھ دے پارتے اروادی شاعری
۳۵	حیات میرٹھی	منشی محمد انور فیروز
		لوک ادب
۴۱	امتیاز فریدی	پلھانا
		انشائیہ
۴۹	ریاض بھٹی	میں دانشور بن سگھداں؟
		افسانے
۵۱	مسرت کلا نجوی	نندر
۵۵	بشری قریشی	لال بتی
		خاکہ
۶۰	عبدالباسط بھٹی	جماگیر مخلص
		شاعری
۶۳	رفعت عباس	نظمیں
۶۶	کوثر شمرین	غزل
۶۷	احمد علی شاہ مخمور	غزل



بسم اللہ الرحمن الرحیم

البقرة

## THE COW

ترجمہ سید دین محمد شاہ

واذ قلنا للملائكة اسجدوا لادم فسجدوا الا ابليس ابى وستمكر وكان من  
الكافرين (۳۴)

### English

And when We said to the angels, Be submissive to Adam, they submitted, but Iblis (did not). He refused and was proud, and he was one of the disbelievers.

### سرائیکی

اتے حیڑھے ویلے اساں فرشتیاں کوں حکم  
ڈتا جو آدم کوں سجدہ کرو، او سب سجدے  
وچ چلے گئے سوائے ابلیس دے۔ اوں انکار  
کیتاتے غرور وچ اتے کافر تھی گیا۔

## کیا خواب ادھورے رہسن؟

اِس برس ماہی دی اہم ترین گالہ اے جی جو ۲۰ جولائی ۱۹۹۹ء کوں اسلامپور شہر یونیورسٹی بہاولپور دی طلبہ کونسل نے اچنڈے تے شعبہ سرائیکی کوں ختم کرتے باب ریسرچ سینٹر دے قیام دی تجویز منظور کیتی جی تے اے پہلے دی گالہ جی جو مذکورہ ریسرچ سینٹر شعبہ اردو دے ماتحت کم کریسی اتے ایہدے قاعدے قانون بعد وچ بنائے ویس۔ اِس پہلے تے بہاولپور شہر اتے پھلے سرائیکی ویب وچوں عوامی رد عمل دا اظہار اتنا شدید تھیا جو اِس رد عمل کوں بند میں ہوئیں ۱۹ اگست ۱۹۹۹ء کوں یونیورسٹی دے وائس چانسلر بک پرپس کانفرنس وچ شعبہ سرائیکی دی حالی دا اعلان کیتا تے ہن شعبہ سرائیکی باقاعدہ طور تے کم کریدا پئے۔

شعبہ سرائیکی ۱۹۸۹ء وچ قائم تھیا جی تے تقریباً ۱۹۹۹ء تاں اِس شعبہ وچ شاگردیں بہوں جذبے تے مہ نال داخلے گھدے اتے ایم اے سرائیکی دیاں ڈگریاں گھدے رہ گئے۔ پر مسلسل بے روزگاری دی وجہ کنیں پچھلے دہائی سالیں کنیں اِس شعبہ وچ داخلین دی تعداد اکھنٹ پئے بکئی۔ کیوں جو پڑاہ سال گزرتا دے باوجود کالجیں تے سکولیں وچ میٹرک، ایف اے تے اے دی سطح تے سرائیکی دی تدریس شروع نہ تھئی جی جیوی وجہ کنیں اگہوں روزگاری کوئی امید نہ رہ گئی جی۔ ہن حکومت پنجاب، بہاولپور تے ملتان دے ڈیو کالجیں وچ جی اے دی سطح تے سرائیکی پڑھاوٹ دا اعلان کیتے تے پکچر دیاں ڈیو اسامیاں وی کندھیاں نہیں۔ امید اے جو اگلے سال تاں سرائیکی ویب دے منہیں کالجیں وچ دی پکچر دیاں اسامیاں پیدا تھیں تے ایم اے سرائیکی دی ڈگری کوں وی بھاگ بھگی۔ ڈیو جی تے اہم گالہ اے دی ہے جو شعبہ سرائیکی وچ دی پکچر تے اسٹنٹ پروفیسر دیاں نویاں اسامیاں پیدا تھیوٹ وی ضروری ہن کیوں جو چھتر اترے پکچر میں دے مختصر ترین شاف نال کوئی بھرپور شعبہ چلاوٹ اوکھا کم اے۔ بیاناں تاں یونیورسٹی دے سبھ کنیں گھٹ اشاف والے کہیں دی شعبہ جتلا اشاف سرائیکی شعبہ کنیں دی ہووے تاں بہتر نتیجے نکل سگھدن۔

سرائیکی شعبہ دی ہتھ کیتے اے وی ضروری اے جو بہاء الدین زکریا یونیورسٹی ملتان تے گول یونیورسٹی دیہ اسماعیل خان وچ وی سرائیکی ڈیپارٹمنٹ قائم کریجن، اتے پاکستان دیاں مختلف یونیورسٹیاں وچ موجود ”پاکستان اسٹڈیز اینڈ ریسرچ سینٹر“ وچ وی سرائیکی زبان تے ثقافت دی تدریس شروع تھیوے۔ ایندے نال نال اکادمی ادبیات پاکستان، لوک ورثہ تے منہیں سرکاری ادبی ثقافتی اداریں وچ وی سرائیکی ادیبیں تے دانشوریں کوں مناسب نمائندگی ڈتی وگئے۔ اتھے اقدامات دے بغیر خواجہ فرید دی مٹھری پولی سرائیکی دی ترقی دے خواب ادھورے ای رہسن۔

☆ ۲۳ اگست ۱۹۹۹ء کوں اکادمی ادبیات پاکستان دی طرفوں ۱۴۱۵ھ کنیں ۱۴۱۸ھ تاں دیاں چار سرائیکی کتاباں کیتے ’خواجہ فرید ایوارڈ‘ دا اعلان تھئے۔ اسان رفعت عباس (بھوندی بھونیں تے)، عبدالباسط بھٹسی (ڈکھ ڈول)، مٹھری قریشی (ہیت پریت) تے جمالیگر مخلص (پندھیڑو) کوں اِس ایوارڈ گھن تے مبارکباد ڈیندے ہیں تے اِس شمارے وچ انہاں لکھاریاں دیاں چوٹ لکھتاں وی چھپدیاں ہن۔ جمالیگر مخلص تے عبدالباسط بھٹسی ہمسائے، شہر دار تے یار دی ہن اِس چالوں باسط دا لکھیا ہویا خاکہ مخلص دے تعارف دے طور تے شامل ہے۔ اگلے شمارے وچ انشاء اللہ مخلص دے سفر نامے وچوں چوٹ وی شامل ہو سی۔



# گالہ مہار

انگریزی دالمحاورہ اے No news is a good news بس سبب اب دی گالہ مہار اے ہے جو کوئی گالہ نہیں۔  
ایسا چنگی گالہ اے۔ رسالہ جو وقت تے نہ چھپیا تاں کہیں گالہ کروں! سیانیٹ اکھیدن انصاف ملن وچ دیر تھنی تاں سمجھو انصاف  
نی ملدا۔

ایس سہ ماہی مجلہ کوں سجاوٹ کیتے، تے ویلے سر چھاپٹ کیتے اسال سرائیکی نواز مہاندرے تے دانشور حضرات کوں  
ایندی مشاورت، سرپرستی، صدارت تے نظامت پیش کیتی پر گالہ نہ بنی۔

گذشتہ پنج شماریاں داشمار کروں تاں پتہ لگدے جو اکتوبر ۹۵ء مارچ ۹۶ء دے شمارے ۲۶، ۲۷ چھی مہینے بعد کٹھے شائع  
کیتے گئے۔ ڈوسہ ماہیاں کھیاں۔۔۔ اوندے بعد اپریل تا جون ۸۶ء دی سہ ماہی داشمارہ ۲۸ اتنا ناقص چھپیا جو اوکوں لکانواں پاتے  
درستی کرتے ڈو جھی وارولا چھاپیا گیا، تے اونو مہر وچ نکلیا۔ اٹھ مہینے ضائع تھئے تے رقماں وی بڈ گیاں۔ اکوں چلو سیں۔ جولائی تا  
نمبر ۹۶ء دی سہ ماہی۔۔۔ رسالہ غائب! ہٹن ہیلی ایس دفعہ ول جولائی کنوں دسمبر ہکاٹپ۔ ول ڈوسہ ماہیاں دے شمارے ۲۹،  
۳۰ کٹھے کڈھے گئے تے اووی وقت سر نہ نلک سکے۔ بلکہ مئی ۹۷ء وچ چھپ تے باہر آئے۔ جولائی ۹۶ء والا پرچہ مئی ۹۷ء  
وچ جو نکلیا سمجھو سال بعد۔ ہک مدیر تے چفیر وں مشیر، نگران تے معاون، پنج حضرات۔

مدیر شودا کیا کرے۔ معاونت دے ناں تے عداوت شروع تھی گئی۔ سرپرست حضرات نے سہ ماہی رسالہ چھاپٹ دی  
جائے سہ ماہی مقد میاں تے زور ڈتا۔ مدیر، پُر تقصیر دے ذمے صرف اے رہ گیا جو اگر انشاں منظور کرا آوے تے رقماں دا  
بدوست کرے۔ باقی محبتی خود.....

خیر گالہ وچوں گالہ ایویں نکلی دی آسی۔ مکدے کوں مکدا کروں جو مدیر شودا کہیں قطار وچ نہ تھیا۔ رانجھے وانگوں

رانجھے منجھیاں چرائیاں

ڈولی لے گئے کھیڑے

لگ گئے نین اوڑے

لگ گیا تہتاں ..... stay ..... مقدمے.....

(سید دین محمد شاہ - مدیر)

## تکلف بر طرف (اردو)

سید دین محمد شاہ

ایک دفعہ کا ذکر ہے اگرچہ یہ ذکر ایک دفعہ کا نہیں کئی بار کا ہے کہ ہم نے خواب دیکھا۔ دیکھا یہ کہ گئے کے کھیت میں سے گزر رہے ہیں۔ آپ نے بھی ایسا فلمی سین دیکھا ہے جس میں کوئی الزمیاں گئے کے کھیت میں سے گزر رہی ہو۔ گنگنائی، دائیں بائیں لٹاتی، اچھلتی کودتی، ہلکے کودتی ہوئی سی۔ مگر ہمارا معاملہ اس کے برعکس بہت سنجیدہ تھا۔ ہمک حسب ذائقہ کے مصداق حسب عمر ہم گھسٹتے چلے جا رہے تھے۔ رات میں ایک کمال پڑتا تھا۔ سنبھل کر چھانک بھری تو۔۔۔ اپنے گھر کے برآمدہ میں ارے واہ، کہاں آگے! خواب میں نہ تو حیرانی ہوئی نہ پچھتاوا۔ یہ سین اس طرح کیونکر بدل گیا۔ کہاں کھیت کی ہریالی، ندی کا کنارہ اور کہاں یہ درود یوار۔ آؤٹ ڈور شوٹنگ کے بعد ایک دم ان ڈور۔ خیر گھر ہی تو آئے تھے۔ اچھا ہوا، برا نہ ہوا۔ لوٹ کے بد ہو گھر کو آئے۔ پھر شلتے شلتے اپنے کمرے میں چلے گئے۔ یہ ہم خواب کی بات بتا رہے ہیں۔ کمرے میں داخل ہوتے ہی کھڑکی کو ہاتھ مارا، اس کو کھولا۔

کھڑکی کھلی، ارررر، انارکلی بازار! بالکل بالکل یہ علاقہ۔۔۔ نیلا گنبد ہی تو ہے۔ خوب بھنٹی خوب اور پھر معلوم نہیں کہاں کہاں پھرے، کیا کچھ دیکھا۔ رات گئی بات گئی۔ کیا خواب تھا۔ ایک ٹکٹ میں دو، نہیں بلکہ بغیر ٹکٹ کئی مزے۔

انارکلی بازار جانے کے لیے تو منصوبہ بندی کرنا پڑتی ہے۔ کچھ نہ کچھ۔ مگر خواب دیکھنے کے لیے کسی منصوبہ بندی کی ضرورت نہیں۔ شاید تکلف بر طرف، لکھنے کے لیے بھی منصوبہ بندی کی ضرورت نہیں۔ بعض دوست کہتے ہیں اس میں بے ربط باتیں ہوتی ہیں کیا خواب بے ربط نہیں ہوتے یہ بے ربط ہی تو ہوتے ہیں مگر اس کے باوجود حسین اور ہڈ کیف ہوتے ہیں۔ کسی نے کہا، آپ نے سنا

نیند ہماری خواب تمہارے

کتنے بیٹھے کیسے پیارے

شاعر اگر آزاد شاعری کرے تو ادیب اور دانشور کہلاتا ہے۔ یہ شاعری جتنی بے ربط اتنی زیادہ واہ واہ۔ مکرر، ارشاد۔ شرط یہ ہے کہ کوئی قدردان ملی۔ چھابڑی والے کی طرح نہ ہو۔

ہو ایوں کہ ایک شاعر صاحب گنڈیریاں خرید رہے تھے۔ انہوں نے فرمایا 'خدا کا خوف کرو' یہ



پانچ روپے کی ہیں؟ کچھ اور تو ڈالو۔ پھر ہم تیس عہدہ سا ایک شعر بھی سنائیں گے۔  
چھابڑی والے نے جواب دیا 'حضرت اگر شعر سنایا تو پانچ روپے مزید لوں گا۔'

حالانکہ آنسو شاعری، خواب، تکلف برطرف اور گنڈھیریاں یہ سب ٹھنڈی ٹھار، موج بہار چیزیں ہیں۔  
بہ آج کل کی معاشی بد حالی کے دور میں یہ اہم ضرورت ہیں۔ صبح سے شام تک نظم و ضبط، مشورے  
نہیں، یہ کرو وہ نہ کرو، زندگی میں کچھاؤ پیدا کر دیتے ہیں۔ آدمی تھک جاتا ہے۔ اور تھکان دور کرنے  
کے لیے تفریح طبع ایک ٹانک ہے۔ آج کتنی ہی خود کشیوں کے واقعات ہو رہے ہیں۔ غم روزگار ہے یا غم  
جاناں۔ ڈاکے، قتل، یہ چیخیں کیوں سنائی دے رہی ہیں اس لیے کہ لوگ مایوس ہیں غمگین ہیں۔ غم زندگی  
موت ہے، اور ہنسی علاج غم۔ آج کے مقابلوں اور چیلنجوں کے جہان میں ہمت کی ضرورت ہے۔ بد  
امیدی ہمیں تازہ دم رکھے گی ورنہ حوصلے پست ہو جائیں گے، خوفناک مسائل، آلودہ ماحول کی وجہ سے  
زندگی اجیرن ہو جائے۔

پھر جینے کی تمنا ہے

پھر مرنے کا ارادہ ہے

کی طرح زندگی ایک الجھن، ایک معمہ بن جائے

ہنسی کا گول گپا آپ نے سنا ہو گا یا شاید تصویر، کوئی کارٹون نظر سے گزرا ہو۔ معلوم ہوتا ہے ہنسی  
اور موٹاپا لازم و ملزوم ہیں۔ مرغی پہلے یا انڈہ۔ اس کا فیصلہ آسان نہیں۔ اسی طرح یہ معلوم کرنا بھی آسان  
نہیں، آیا ہنستے رہنے والے گول مٹول ہو جاتے ہیں یا موٹے جسم سے ہنسی کے فوارے چھوٹتے ہیں۔  
ہمارا مشاہدہ یہ بھی ہے کہ گنجنے حضرات میں مزاح کی حس بدرجہ اتم ہوتی ہے۔ تعجب ہے کہ کسی  
پی ایچ ڈی کرنے والے نے اس موضوع پر تحقیقات نہیں کیں آیا لطیف مزاج رکھنے والے حضرات گنجنے  
ہوتے چلے جاتے ہیں یا گنجنے کے آثار کے ساتھ ہی یہ کھسانی صفت عود کرنے لگتی ہے۔

ہمارا اعتقاد ہے کہ مسکراہٹیں بکھیرنا اور مسکراہٹیں سمیٹنا ثواب کا کام ہے۔ اور اسی سے آپ  
اندازہ لگا سکتے ہیں کہ ہم کتنے دلربا ہیں۔۔۔۔۔ یعنی، کتنے گنجنے ہیں!

اپنا خیال رکھئے گا، ہمیں اجازت۔ یہ فقرہ ہم نے فی فی سی لندن والوں کا چرایا ہے۔ جب 'مکتوب  
پاکستان' پیش کرنے کے بعد جناب وسعت اللہ خاں یہ جملہ دہراتے ہیں۔ ہمیں اچھے لگتے ہیں۔ اور مومن  
وہ ہے جو دوسروں کے لیے وہی کچھ پسند کرے جو اپنے لیے پسند کرتا ہے۔



## آہ - سید دین محمد شاہ مرحوم

سید دین محمد شاہ

زندگی دیاں ڳالھیں زندگی وچ ہر کوئی کریندے تے چنگیاں وی بگدن۔ پر حیاتی دے بعد دیاں  
ڳالھیں اپنی حیاتی وچ کروں تاں پتہ نی کیویں لڳس؟

اساڙے ایس دار فانی توں کوچ کرڻ دے بعد شاید کہیں دوست کون ”یا درفتگان“ دے عنوان  
نال اساڙے بارے قلم چاوڻ دا خیال آوے تاں انہاں دی اسانی کیتے کجھ نکات (یا نقاط) ریکارڈ کرا  
ڏیندوں۔

ڏٹھا ایو گئے جو مردے کون فلمی ستاریاں دے حسن بخش صابن دے نال غسل ڏتاویندے۔ پر  
اے ڳالھ اساڙے عقل نی بگدی ماحول کون ڏکھجے تاں اوندا تقاضا اے ہے جو میت تے کیس آزمودہ  
کیڑے مار دوا دا لیپ چڑھایا ونجے، تاں جو کجھ ڏینہہ کفن میلانہ تھیوے۔ دل تاں اے وی آہدے جو  
آپنے جنازے کون خود مونڈھا ڏوتجے، پر شاید اے نی تھی سگھدا۔ ہاں، البتہ اساں راہ حق وچ شہید تھی  
گیوے تاں چانس ہے جو اللہ سبک دی اجازت نال آپنے کفن دفن ویلے موجود رہوں۔

قل خوانی دی یارو ڳالھ نہ کرو۔ قل خوانی مہانگی وی تھی گئی ہے تے مذاق وی بڻ گئی ہے اسا کون  
حکومت دے ایس فیصلے نال ضرور اختلاف اے جو ویسے دے موقع تے تاں طعام دی پابندی اے پر قل  
خوانی اوپن Open ہے۔ ایندا اثر اے تھئے جو قل خوانیاں تے رونق آگئی ہے تے ویسے سنان تھی  
گبن۔ ویسے تے لوک ایویں چپ غرپ پیٹھے ہوندن جیویں اندھیاں کون مامیت وچ بلہا ونجے قل خوانی!  
آہا! شامیانے قناتال، ڊیگاں دے کھڑکار، طعام دی خشبو، تروتازہ لوک، خوش خوش کھسر پھسر، دہشت  
گردی تے مہنگائی توں بے نیاز پورے شوق تے بے تکلفی نال حالاتِ حاضرہ زیرِ بحث ہوندے۔



قل خوانی دے اساں قائل کائناتی۔ اسا کوں چنگی طرحاں یاد اے جو اساڈے ہک بزرگ دی فاتحہ خوانی دے بعد مولوی صاحب نے شکایت کیتی، ”میں مرحوم و مغفور دے بلند درجات کیتے دعا منگویند ارہ گیاں تے ہک جونیر ملاں خُٹائیاں دی باسٹ چاتے کھسک گئے اسا کوں خُٹائی ہک نی ملی۔“

ہک بے ملاں دا واقعہ ہے جو اووڈی عاجزی نال دعا معہ ایٹھے ”بھیج مولا بھیج“ کہیں پچھیا کیا معہ ایٹھے دے مولا کریم کٹوں؟ ملاں نے اکھیاں امباں دا موسم اے جے کوئی دہڑا آدمی ایس موسم وچ اللہ تعالیٰ دی رحمت نال فوت نہ تھیا تاں ایس دفعہ واندے گیوے۔ امب بہوں مہانگے ہن۔ ہک فوتگی نال قل خوانی، ست جمعراتیں، چلیہواں۔۔۔ یزن چنگا لگ ویسی۔ زالیں دی تاں ڈوہن اوتریاں۔

ہیں کیتے کوئی ملاں اساڈے اتے میلی اکھ نی رکھیندا۔ ہک اساں متمول نہ تھیوے، ہیا اساڈے اتے وہایت دا ٹھپہ لہجیا ہوئے جیویں اکھینڈن ٹانگے والا خیر معہا، ایویں سب مسیتیں ملاں اساڈی خیر معہن۔ مرن پتھاری تے پٹھے ہوئے ہیں ول وی کوئی اساڈی موت دی خبر سنن دے موڈ وچ کائناتی کہیں کوں سلام کروں تاں او اکھینڈے ’شاہ میاں‘ اہ۔ خیر ہووی۔ چیدار ہوویں۔ عمراں دراز..... اساڈی زندگی یا موت لوکاں کیتے، ہیں گالھوں، نہ نفع نہ نقصان No profit No loss دا کھاتا اے۔

ہک ہٹی گالھ اساں کیتی ونبجوں، بھل ویسی جواب کل اے فیشن ہے جو مضمون نگار مضمون دے نال تصویر ضرور چھپیندا۔ ہک دفعہ تاں اے وی تھیا جو تصویر، تے اوند اے عنوان بدل گئے۔ تصویر وچ پکس لاٹھی چارج پئی کرے، لوک کٹیجن مریجن پئے تلے پچھیا ہو یا ہووے ’محبوب رہنا نمائش کا افتتاح فرما رہے ہیں۔‘

اساں ایس گالھوں نی ڈردے، پر اساڈے کول اپنا کوئی چس دا فوٹو وی کائناتی۔ جوانی سوہنی ہئی، جوانی دے فوٹو وی سوہنے ہن کچھ تاں سوی کھا گئی تے کچھ شاگرد چاگن۔ اساڈے مرن دے بعد تازہ تصویر ہرگز ہرگز نہ چھکھیسو، دروہی ہیوے۔ کہیں مردے کنوں مسکراہٹ Cheese دی توقع نہ رکھو۔ ساری عمراں لوکاں نال کھل کھل تے الائے، مرن دے بعد پو تھی پھری پئی ہووے۔ نہ سیں۔

وقت ہا دریا ستلج دی ریل والی پل توں دھرک مریندے ہاے۔ اوں ویلے پل تلے چھل دیاں لہراں ۱۴ فٹ گاج Gauge نال ٹکرائیاں ہن اوں ویلے اساں کوئی تصویر ریکارڈ نہ کرائی۔ ابج پھو تاں ماروں ہا۔ اوں ویلے اے خیال وی نہ آیتے اے فکر وی نہ ہئی جو جوانی عارضی ہے۔ اساں سمجھیا ساری عمراں ایویں جوان رہسوں تے ایویں ٹپے مریندے رہسوں۔ ہٹی وجہ اے وی سمجھو جو اے کم اساں پولیس کنوں لک تے کریندے ہاے خصوصاً جنرل مارڈن کنوں ڈر رہندا ہا جو اساڈے اتے خود کشی دا

مقدمہ نہ بنو گئے۔ تاں وی ہک دفعہ فوٹو گرافر نال معاملہ طے تھیا جو فلائیں ویلے پل تے فوٹو photo  
Finish کیے آون گئے۔ پر اونہ آیا۔ اساں اوندی مجبوری سمجھ گئے۔ فوٹو گرافر کون سوچ پئی ہوئی جو  
اے پاگل شخص پل توں ٹپمارٹن دے بعد جے خود غرق Finish تھی گیا ہاں فوٹو دی رقم وی دریا غرق  
ہیا کیا۔

تنظیم اصلاح معاشرہ، تے اصلاحی کمیٹیاں بنا تے جیڑھے سماجی کم کیتن، انہاں رفقاء کونوں پوری  
امید ہے جو او ضرور ساڈی موت تے آبدیدہ تھیں۔ پر اساڈا مرثیہ لکھن دا موقع تاں اوکوں ملسی جیڑھا  
اساڈے مرٹن دے وی بعد تک کجھ نہ کجھ جیڑھا رہی۔ مقابلہ سخت اے

دل تاں اے وی چاہندے جو حیاتی وچ کوئی اٹھھا کم، وڈا کارنامہ کرویندے جو سنہری حروف وچ  
تذکرہ تھی سکے ہا، تے مرٹن دے بعد لوک مجبور اکیس مشہور چوک یا سڑک داناں اساڈے نام نامی نال  
منسوب کریندے، پر اے وی حسرت رہی۔ کارپوریشن دے کونسلر دی حیثیت نال جیڑھے سکول،  
سڑکاں، بوائے چنگا تھیا جو انہاں دی افتتاحی تختی نہ لوائی، تے 'بدست مبارک' گرامی قدر اپنا ناں نہ  
لکھوایا ہاں انہاں سکولاں سڑکاں دی حالت اتنی خستہ ہے جو لوک اوں تختی کون ڈیکھ تے چڑو نجن ہاتے  
سنگ مر مرتے چکڑگاں اتھپ کھڑاں ہا۔

یارو، ہک موقع اے نکل سچدے، بیٹھے بیٹھے خیال آئے۔ جو کہیں قبرستان دا افتتاح کروں جوں۔  
گورستان جتنا خستہ تے ویران، اتنا مبارک ڈسدے۔ اتے تاں چاند پے دے جو گورستاناں دے اکثر ناں  
کہیں پیر یا شاہ دے لاحقے سابقے نال ہوندن۔ مثلاً گورستان پیر حامد۔ گورستان ملوک شاہ وغیرہ۔ ایں  
طرح اساڈا میرٹ merit وی پندے۔ دل مزے دے گالھ اے، جو مقابلہ سخت کائنی۔ ابج کل ماڈل  
ٹاؤن دے بعض قبرستاناں وچ داخلہ فیس مقرر ہے۔ پر اساڈے عوامی قبرستان وچ داخلہ فری Free  
البتہ 'پہلے آو پہلے پاؤ' دے اصول تے دفن تھیوٹا پوسی۔ ایندی ہک ونگ Wing سابق باڈی بلڈراں تے  
اتھلیٹاں Athletes کیے مخصوص ہووے۔ ورزشی آدمی شریف تے خوش مزاج ہوندن۔ دل  
اکھیندے موت دے بعد وی اساں ہیں ٹکڑی نال اٹھوں۔ جنازے گاہ تے لکھ چھڑتے 'خیر نال آتے خیر  
نال جا۔'

جذبہ حب الوطنی اساڈے اندر۔۔۔ کٹ سوکٹ بھریا ہو یا اے۔ ہندوواں سکھاں دے زمانے  
کونوں لاتے ابج تلک ہر دم مستعد۔ ملکی سلامتی کیے ڈوبھارتی جنگاں وچ تنظیم شہری دفاع وچ خدمات پیش  
کیتن۔ تنظیم دے رضاکاراں نال اساڈی لمبی چوڑی برادری ہے۔ جے رضاکاراں کون اساڈی موت دا



”لٹرائٹ“ پیغام پر وقت مل گیا، تاں سارن Siren بج ویس۔ قبر کھنائی وی کوئی مسئلہ نہ رہی  
ہندو قاتل دے کھنڈ والے ”مجاہد“ دی قبر پورے اعزاز تے عقیدت نال کھٹ ڈالین۔

اے کم ہونڈن جذبے نال اسا کوں ڈیکھو، نہ اکھیں ٹھیک کم کریدن نہ کن، آڈیو ویڈیو Audio،  
Video چٹ اے۔ پر وردی اسا ڈی، کلف بچیا ہویا، استری تھئی ہوئی تیار لنگی کھڑی اے۔ کیا پتہ  
کیزھے ویلے جنگ چھڑوئے۔ سیاسی وابستگی جتھاں وی ہے، پکی ہے۔ ساری عمر فلاحی کماں کیتے بے لوث  
خدمتیں کیتن تے سب کنوں وڈی نیکی اساں اے کتی اے جو اپنے آقائے دو جہاں دے فرمان مطابق ہر  
چھوٹے وڈے کوں سلام کرن وچ پہل کیتی اے۔ خیریت کچھی اے تے خیریت ڈیتی اے۔ پر سیاست وڈی  
کتی شے ہے۔ اگر پارٹی وچ کہیں کوں اسا ڈی موت دی خبر تھی وی گئی تاں گھر بیٹھے اخبار وچ ہک سطر ہی بیان  
چھوڑ دین۔ ’مرحوم ملک و قوم دا قیمتی سرمایہ ہا..... اے خلا مشکل نال پڑ تھیسے‘ ویسی سیاستدان اسا ڈی خبر  
اوں ویلے لہٹن جڈاں اساں قبر دا خلا پڑ کر چکے ہو سوں۔

اسا ڈے صادق پبلک سکول دے شاگرداں دی تعداد سینکڑیاں وچ ہے، جیڑھے انک کنوں لاتے  
جیک آباد تک کھنڈے ہوئے ہن۔ جے انہاں سُن پاتا جو اساں فوت تھی گئے ہیں تاں ٹھڈا ساہ ضرور  
بھریں۔ باوجودیکہ سزا Hard drill انہاں کوں نہ بھلی ہو سی، او ایہو اکھیں ”He was a  
good jolly fellow مسٹر ڈی ایم شاہ بے شمار خوبیاں دے مالک ہن“ اساں اپنیٹاں شرگداں  
دے دلی جذبات کنوں خوب واقف ہیں۔

اسا ڈی موت داوڈا ’چرچا‘ سرانیک کی ادنیٰ مجلس وچ تھیسے۔ جیدی صدارت ۸۶ء کنوں مسلسل  
اسا ڈے کول اے۔ خبرنی اساں تاحیات صدر رہسوں یا تا موت! پر اساں ایں صدارت دے ہر گز ہر گز  
حقدار نہ۔ شعبہ تقریبات دا واس پچیا تاں اسا ڈی مزار شریف وی جھوک دے سبزہ زار وچ بٹا  
چھوڑ دین۔ ول مجلس دے شاعر اں دے موضوع کچھ ایں ہو سن۔ ع

یاد پھر آپ کا جانا آیا

آہا ہا، واہ مکرر ارشاد۔ شور، رنگ برنگی بتیاں، شیرنی، خراج عقیدت۔ جب بوٹ اکھیدن ’اساں  
اے فرمائے جو.....‘ ہنھاں وانگوں اج اساں اے فرمیںدے ہیں سیں، جو اساں سہ ماہی رسالے سرانیک  
دے مدیر وی تھیوے۔ ایں پار ہوں صحافی حضرات وی آپنی برادری تھی اتے اے برادری والے کوڑ بیج  
دی جلدی ویندن۔ اکھیں ’اسا کوں اپنی موت دی اطلاع دا بند و بست کیوں نہ کتوے؟ کیا اساں اتلے  
بے مروت ہیں جو موت دی خبر سُن تے وی یقین نہ کروں ہا؟‘



صحافی بھر اساڈی بہوں عزت تے احترام کریندن۔ پر اساکوں پتہ اے جو انہماں دوستیاں دی اکثريت کرانمر رپورٹر Crimes Reporter بن تے سنسنی خیزی دی تلاش وچ رہندی ہے۔ تے اساڈی پھکی ترکی بے وقت (ستر سال دے بعد ہر لمحہ بے وقت) موت وچ کوئی گرما گرمی نی ہندی۔ ورنہ اساڈے بہاولپور پریس کلب وچ انشا پردازی دی کیڑھی کمی اے۔ کلب وچ البتہ گرپ ڈوہن۔ آپت وچ انس محبت وی گھاٹی ہے۔ ویسے نہ وسرو، نہ یاد رہو، داماٹو Motto ہے۔

دفن تھیون وچ کیڑھے بڈگوڈے گمدن۔ یار 'آدمی وڈا پول نہ مارے' خدا کنوں ڈرے۔ مذاق دی جاہ نی۔ خبر اے کون اگوں کون پچھوں۔

نہ آنے کی خبر نہ جانے کی خبر ہے

نہ جانے زندگی کیسا سفر ہے

اے تاں تماکوں ڈسیو سے نہ جو ایس مضمون لکھن دی اساکوں تحریک کیویں تھی۔ ہن اسان تماکوں اوہا پہلی گالھ آخر وچ ڈسا چھوڑوں۔ گالھ اے ہے جو ہک اخبار اساڈے سا بنے پئے۔ اوندے وچ ہک سوہنے بزرگ دی تصویر اے۔ لمبی چٹی ڈاہڑی، گردن ہک پاسے نوی ہوئی، مراقبہ دی صورت، ہڈ نور چہرہ، گل وچ لمبی تسبیح، تصویر تلے درج لکھائی Caption اے ہے 'روحانی پیشوا حضرت پیر سید جلال شاہ سمن المعروف موتیاں والی سرکار، سجادہ نشین دربار عالیہ.....، سب القابات تے خطاب بزرگ، صاحب تصویر دی سیرت تے صورت نال چھمکے پئن۔

'روحانی پیشوا!' اے بہوں وڈا اعزاز ہے، بہوں وڈی دینی دنیاوی ڈگری اے۔ پر کوئی بزرگ روحانی پیشوا کیویں بن ویندن اے حسن کارکردگی Pride of performance دی سند کیڑھی ایجنسی عطا کریندی ہے اکثر ڈٹھے جو روحانی پیشوا تنو مند، امیر کبیر، عالم فاضل تے پیر حضرات ہی ہوندن۔ اساڈے دل وچ تمنادی چونڈھی تاں پئی پر آٹے گروان وچ جھاتی پاتی۔ اسان چٹ سادات، کیس قطار دے نہ۔ بدن تے وافر گوشت ہووے ہا، پجار گاڈی تلے ہووے ہا، کچھ عبادت ریاضت تے ایندے علاوہ کوئی گدی نشینی..... کھنڈے پنڈے مرید ہوون ہا، تاں شاید تھوڑی گھنٹی شہرت نال اسان تھیدے تھیدے تھی ونبجوں ہا، اساڈی توبہ، معافی، اسان گناہ گار، کیس نیک اللہ والے شخص نے اے دعویٰ کیتا ہو سی جو انہماں داکیس نوری یا ناری مخلوق نال ہاٹ لائین Hot Line دے ذریعے رابطہ ہے۔

دل دی معرفت دیاں گالھیں معرفت والے سمجھدن۔ اسان بدگمانی کیوں کروں۔ جے فی الوقت



کیس حضرت کہوں روحانی پیشوائی داد عوی ہے تاں جی لمسم اللہ ۔ اساں انہاں کوں ہتھ جوڑتے منت کریوں جو اپنی روحانی قوت دا مظاہرہ کرن، کرامات ڈکھاون، ابج ملک تے قوم تے آزمائش دی گھڑی اے۔ دشمن کشمیر دے کارگل کنوں لاتے کراچی دے سمندر اں تک فوجاں لا ڈہن، اندرون ملک حساس تنصیبات دی حفاظت، وطنیاں دی جان مال تے آبرو دی حفاظت وڈی ذمہ داری اے۔ انہاں بزرگاں کوں چاہیدا اے جو دشمنان دے گولے تے نم جھپ جھپ تے ولا انہاں دے متھے مارن تے دشمن کوں مایا میٹ کر ڈیوں۔

اساڈی فوجی تیاری محمد اللہ مکمل اے، فوج تے قوم دا مورال Moral وی مضبوط اے، انشاء اللہ۔ پر اساڈے قومی کردار وچ شرک، کمزوریاں ہن۔ اساں خطاواں، لغزشاں وچ پڑے ہوئے ہیں۔ اساڈی اللہ سکھ دے آگے زاری اے۔ اللہ تعالیٰ اساڈی 'صلوٰۃ توبہ' قبول فرماوے تاں جو اسلام کوں فتح نصیب تھیوے۔ کشمیر پاکستان بن ونجے۔ آمین!

# دیوانِ فرید

تقابلی مطالعہ، حواشی، ترتیب:

جاوید چانڈیو

☆ دبیر الملک مولوی عزیز الرحمن مرحوم کا متن

☆ خواجہ فرید کے پہلے مکمل مطبوعہ دیوان "اسرارِ فریدی" کے ساتھ تقابلی مطالعہ

☆ ڈاکٹر مہر عبدالحق کی "لغاتِ فریدی" تحقیقی مطالعے کے ساتھ

☆ ایک کتاب میں تین کتابیں، فریدیات میں ایک حقیقی اضافہ

۶۵۶ صفحات، رنگین سرورق، اعلیٰ کمپوزنگ اور طباعت کے ساتھ -- مجلد / ۳۰۰ روپے - کارڈ کور / ۲۰۰ روپے

برادر (مر) خط لکھ کر طلب فرمائیے

ناظم مطبوعات

سرائیکی ادبی مجلس (رجسٹرڈ) - "جھوک سرائیکی" - سرائیکی چوک، بہاولپور

## خواجہ فرید تے سچل دی فکری سانجھ

خیال دا بکھی زمان تے مکان دی قید کنوں آزاد تھی تے اڈا دے۔ ایندی اڈاری دا کوئی حد  
مقام کوئی۔ جتھاں جبرائیل دے کھنڈ سڑویندن اے بکھی اتھاں وی عشق دیاں اڈاریاں مریندے۔  
اقبال آکھیا ہا جو :

در دشت جنون من جبرئیل زبوں صیدے

یزداں بہ کند آور اے ہمت مردانہ

اقبال کنیں پہلے اے گالھ مولانا روم آکھی۔ گھنیاٹ گالھیں ایتھیاں ہوندین جو دنیا دے ہر ملک دی  
ہر وسعی وچ ہو جیہاں لگدین۔ یورپ تے افریقہ دی کہیں وسعی وچ ترژن آ لے گل دا سوہنپ تے اثر،  
اصلوں اونویں ای ہوسی جیویں روہی، کوٹ مٹھن یاد رازیں وچ ہوندے۔ عشق دا بھانہ کہیں کالے  
دے ہاں وچ مچے، تو نہیں کہیں! چھ دے ہاں وچ دو نہیں ہو جیہیں اٹھن۔ ایویں ای خیال دا بکھی درازیں  
کنوں پرواز کرے تو نہیں روہی کنوں پرواز کرے منزلیاں ہو جیہیاں مرلیں۔ کتھ جھنگ شہر، کتھ درازا،  
سلطان باہو آکھیا ہا جو خیال دی اڈاری وچ غفلت موت ہے۔ تندہ ترٹے، بھل جیویں ودا پر ایویں جی جو  
دل یار وچ ہتھ کار وچ “ہو دے۔ جھنگ شہر وچوں سلطان باہو خیال دا بکھی اڈایا جو :

جو دم غافل سودم کافر ساکوں مرشد اے فرمایا!

درازیں وچ سچل خیال دے ایس بکھی دی پرواز ڈیکھ تے آکھیا جو :

جو دم غافل سودم کافر، ساکوں مرشد اے فرمایا

سچل گالھ عشق دی سچی، بیا سبھ پندھ اجایا

خیال دے بکھی دا شکار نہیں کریندا اونکوں تاں بس چوگاڈے کراہیں عشق دے ان ڈٹھے دیس دوپٹھ  
چھڑیندے۔ سچل نال میڈی سونہ اوندی کافی دے ایس تھل نال بنٹی ہئی۔

میں تاں کوئی خیال ہاں وو

ہن لکھاں وی نال خیال دے

خیال وڈا پندھ کریندے۔ عطار دے پندھ سچل تائیں پچے، باہوتے ملھے دیاں گالھیں درازیں وچ تھیاں۔



ایہیں ای درازیں دیاں گالیں چاڑیں تے مٹھن کوٹ وچ تھیدیاں رہ گیاں۔ ابج تھولی جہیں گالھ ایہیں  
 ڈال دے پندھ تے کریوں۔ پچل تے خواجہ فرید دی فکری سانجھ تے الیوں۔

پچل دی وفات ۱۸۲۷ء وچ تھئی تے خواجہ فرید دے جم دا سال ۱۸۴۵ء ہئی۔ ایں وصال تے فراق دا  
 پندھ کوئی اٹھارہاں سالیں دا ہے۔ ایہیں دور وچ پچل دے کلام دی دھم تے ہاک درازیں کنوں چاڑیں  
 تائیں تھیوٹ تاں بہوں سولی ہئی۔ جید دی ہک خاص وجہ تاں ایں تل و سیب دی تہذیبی، جغرافیائی،  
 تاریخی تے سب کنوں ودھ کراہیں لسانی سانجھ ہئی۔ سرائیکی و سیب تے سندھ دے تقریباً کو جہیں سیاسی  
 حالات، مذہبی چھک تاں تے معاشی صورتحال، ایں سندھ وادی دے شاعریں کوں خاص کر صوفی  
 شاعریں کوں ہک جہیں رویے ڈتے۔ انہاں رویاں وچوں ڈوپکے رنگ بندن۔ ہک بغاوت داتے ڈوجھا  
 پریم دا۔ قادری سلسلے دے صوفی شاعریں دی شاعری وچ بغاوت دارنگ نعرہ بن کر ایہیں ظاہر تھیدے  
 ۔ ایہا کارن ہے جو پچل کوں بلے شاہ تے سلطان باہودی شراب عشق دی مستی چڑھی۔ پچل سائیں دے  
 فن دے پیالے وچ آکر ایہیں اے مئے سہ آتش تھی گئی۔ ایہیں سہ آتش مئے دیاں کچھ سرکیاں چشتیہ سلسلے  
 دے صوفی خواجہ فرید وی بھریاں ہن۔ تو نیں جو اوند اظہار اپنے اندر وچ اووہاریشم تے لطیف احساس  
 رکھدے جیڑھا چشتی صوفیہیں دا خاص مزاج ہے۔ پچل تے خواجہ فرید دی شاعری وچ وحدت الوجودی  
 فکر جڈاں فن دی بجائے فلسفے دی صورت وچ ظاہر تھیدے ہے تاں انہاں دا انداز ہک جیہاں تھی  
 ویدے۔ منصور ڈوہیں صوفیہیں دا محبوب کیریکٹر ہے پچل اکھیدے :

عشق دے باجھوں بیاسبھ کوڑ، سولی تے منصور

یا

سر سہی کر نوبت ماریں، حلاجی ہو شیاروے

یا

سر سولی منصور شہ کون، عشق تاں کیتا قتل

ایہا گالھ فرید اکھیدے :

چڑھ دارین منصور دے بھائی، عجب کرن غل غل

یا

عاشق مست مدام ملای، کہ سبحانی بن بسمای

یا

شمس الحق دی کھل لوایو ، سرمد ہر کھپوایا  
شاہ منصور چڑھایو سولی ، مستی سانگ رسایا  
کر قربان فرید ہر اپنا ، جیڈا وار آیا

ملاں جڈاں مذہب کوں ریاست دے جبردا اوزار ہٹا چھوڑیا اتے اوندے فتوے عوام دی کنڈتے کوزیں  
آلی کاروسن پئے گئے تاں ، پچل تے فرید دی شاعری وچ عوام دوستی دی اے فکر ملاں دشمنی داروپہ  
کراہیں ہک کھلا اعلان جنگ بن دیندی ہے۔ پچل تے خواجہ فرید دے فن اتے شاعری تے مذہب دے  
اثرات بہوں نشاں ہن ایس تل و سیب دی رواجی مذہبی فکر دے ردِ عمل وچ انہاں فنکاریں دی شاعری وی  
جوانی اثرات مرتب کیتن۔ انہاں عظیم شاعریں مذہب دی جامد تفسیر کنیں پرو بھرے تھی کر اہیں ایندی  
تہذیبی تفسیر کیتی ، جیہکوں محمد ابراہیم جوہی ”افادہ عام آلی تفسیر“ یا متحرک تے ذی روح تفسیر اکھیدن۔  
اتے اتھے ہر مفکر تے مفسر کوں ، سماج کافر تے ملحد آکھے۔ اتھے فتویں دی شکار پچل دی شخصیت وی تھی۔ پر  
دین فروش ملاں دے خلاف پچل دی زبان اگھاڑی تلوار ہئی۔ او جامد تے مردہ اصولیں دے خلاف بغاوت  
دا کھلا اعلان کریندے :

عشق دے اسرار دی یارو ، ہے آگاہ سرستان نوں  
زاہد ، عابد ، ملاں ، قاضی ، کردے یاد گزشتاں نوں

یا

سدھ اہیں تان بردی ناہیں ، پچل ملاں قاضیاں کوں

یا

مسجد دے وچ کاٹ ٹکر دے ، ڈیون بانگ صلواتاں  
منہ چے ، ڈاڑھنی ڈنگی ، خام پڑھن خلواتاں  
عالم لیکھے روزے رکھدے ، پر ہن کھاؤں دیاں آفاتاں  
پچل راہ ایہا نہ سچ دی ، برہ والیاں بیاں باتاں

خواجہ فرید وی سماج وچ ملاں دے ایس خطرناک کردار کوں ہک حساس شاعر تے صوفی دانگوں  
ڈیکھدے۔ ابراہیم جوہی ”تھہ الکرام“ دے حوالے نال ہک اہل حال بزرگ ، شاہ اسماعیل صوفی دا ذکر  
کیتے۔ جنہاں دی سنگت تے اخلاص شاہ عنایت شہید تے شاہ لطیف نال ہئی۔ ”او مثنوی دا درس ڈاڑھی  
محویت نال ڈیندے ہن۔ ہک ڈیہاڑے درس ڈیندیں اچن چیت انہاں دی طبعیت پریشان تھی گئی تے سبھ



ماتے نل پئے گیونیں ، جنہاں کول لکاوٹ کیتے انساں جندی چوائی تے ویزھ تے بہہ رہے ۔ انت خبر پئی جو  
 اوں وقت شر داقاضی ٹھٹھے دے کو توالی وچ چوترے قیں ہک بندے کول سرکاری ملازم دے ہتھوں بے  
 عیاں ، چھڑا سیاسی ضد پچھوں ، کوڑے مرویندا پیا ہئی ۔ اتے اوہے کوڑے اوں بزرگ دے ماتے ظاہر  
 تھیدے پئے ہن ۔ بظاہر تاں شاہ اسماعیل صوفی تے شر دے قاضی داندہب ہکا ہار حقیقت وچ قاضی دا  
 مذہب ہیہا ہے تہ صوفی داندہب بیا ۔ ” ایسا گالھ اسال سچل تے فرید بارے وی آکھ سچدے ہیں ۔ ملاں تے  
 قاضی دے ظلم دے خلاف جیویں سچل دی روح نفرت کریندی ہئی اونویں ای فرید دانت وی اوں ظلم  
 کول محسوس کریندے ۔ تے اوندی شاعری وچ ایند اکھلا اظہار تھیدے ۔ خواجہ فرید اکھیندے :

ملاں مارن سخت ستاون ۔ جگھڑے راز دا بھیت نہ پاون  
 بے وس شودے ہن معذور

یا

کون ہے قاضی رشوت راضی ، کون سیال تے کھیرے  
 باجھ خدا دے جھگڑے جھیرے ، ساڈے کون نبیرے

یا

ملوائے دے وعظ نہ بھانے ، بے شک ساڈا دین ایمانی  
 ابن العربی دا دستور

یا

عشق دی بات نہ سمجھن اصلوں ، اے ملوائے رکھڑے

صوفی دے مسلک وچ نفرت دی کوئی جاہ کینی ۔ اوپوری کائنات کول محبت دی نگاہ نال ڈیچھدے ۔  
 اتھال خواجہ فرید وی ملاں کول ” بے وس تے معذور ” سمجھدے تو نہیں جو اوں دے ماتے ملاں دی مار  
 کوڑے بٹتے و سدی ہے ۔

خواجہ فرید تے سچل دے صوفیانہ نظام فکر دی اے ہم آہنگی بہوں درگھی تھی سمجھدی ہے حیدری بنیاد جذبہ  
 عشق تے ہے ۔ جذبہ عشق دی مستی وچ اے ڈوہیں صوفی ہک تھی ویندن ۔ اے صوفی ، اے شاعر پریم  
 ساگر دی چھل نال کائنات دے کینوس تے کہیں مصور آلی کار محبت دے رنگ داہک اسرودک مریندن ۔  
 چل کیں اے لذت سر مستی دار وپ و ناگھدی ہے ، او اکھیندے :

جیں دل پیتا عشق دا جام ، سادل مست و مست مدام

دین مذاہب رہندے کتھاں ، کتھاں کفر اسلام

یا

میڈا حال ڈٹھا ہاوے یار، میں مستان ہو یا سرشار

یا

یاروچ بے خودی دے کڈاں کڈاں آوندی ہیوں

یا

مست سچل ہو رہیا پی پیالہ شوق دا  
آپ تاں نچدا نہیں، لوکاں کوں نچاوند اہیں

جڈاں میاں موج مستی دی آئی  
بے خودی تھئی جسم بگیا

بھودی دا ایہو تجربہ خواجہ فرید دے احساس کوں وی فنکارانہ اظہار دے راہ ڈکھیندے :

نہ عیان ہے نہ نہان ہے  
نہ بیان ہے نہ دھیان ہے  
نہ رہیا اے جسم نہ جان ہے  
کیہاں ڈوس ہوش حواس کوں

یا

خمر طہوروں پی پیمانے، تھیوے عاشق مست یگانے  
بھل گئے صوم صلوات دوگانے، رندی مشرب سانگ رچایا

یا

اساں سو بد مست قلندر ہیوں  
کڈہیں مسجد ہیوں کڈہیں مندر ہیوں

یا ول ایں مستی وچ پوری کائنات ہک Musical being بن کر اہیں دھیمیں سُریریں وچ اکھیندی ہے :

دم مست قلندر، مست قلندر مست و مست السستی

سچل تے فرید دے رنگیں دی سانجھ کوں پھولن بہوں تاں ہک درگھی تنہا رہندی ہے ۔ حیدے وچ ہک



ہمارا خواجہ فرید دے فن دا ادوی ہے جیدے وچ او سدھا سنواں سچل دے خیال کنوں متاثر تھئے۔  
 ہندی تفصیل مولانا حکیم محمد صادق رانی پوری ”سچل سرمست جو سرائیکی کام“ دے مقدمے وچ بیان  
 کیتی ہے۔ اوندے ور جیوے دے ایس ننڈ ہڑی گالھ مہاڑ وچ کوئی خاص لوڑ کینی۔

اس فکری سانجھ کنیں انج سچل تے فرید دے فن تے احساس دے اپنے نوکے رنگ دی ہن۔ انہیں  
 رنگس وچ فرید دے احساس تے فن دی نزاکت سچل دی بغاوت کنیں انج اپنی راہ بنیڈی ہے۔ انعام شیخ  
 چل بارے اپنے ہک مضمون وچ لکھیا ہئی جو سندھی ادب تے شاعری دے پار کھوایں گالھ تے یک رائے  
 ہن جو فکری تے احساساتی لحاظ نال سچل لطیف دی ہمسری نہیں کر سگھیا۔ فن تے اوندے ورتاوے بارے  
 ذہنی وضاحت وچ لطیف اوں کنوں گھٹا گیتے ہے۔ پر سچل جیڑھے لحاظ نال پورے سندھ دی کلا دی  
 تاریخ وچ نوکلپ مان گھدے۔ اوہے اوندی سرکشی، بغاوت، اظہار دی بے پرواہی، رندانہ جوش تے کوڑ  
 دے خلاف زبردست للکار، یعنی اونہ چھڑا اپنی فکر دے وچ سراپا احتجاج ہے پر اوندے وچ سورھیائی،  
 دھن دا عزم تے روئیں کوں چٹ پدھر تے پیش کرن دی او خوبی ہے، جیڑھی اوں کنوں تاریخ دے عظیم  
 انانیں دی صف وچ آن کھڑیندی ہے۔ (سرمست - ۱۱، ص: ۵۱-۵۲)

چل تے فرید دی فکری سانجھ اپنی جاہ تے ہے پئی، پر فرید کافی دے فارم وچ جیڑھی مستی سنبھالی ہے  
 اوندی فنکارانہ وبت ودھ نفیس تے شاعرانہ ہے۔ اوندے عشق دی شراب (Content) جڈاں کافی  
 دے پیالے (Form) وچ بھریندی ہے تاں لفظ دا بکھی خیال دے بے انت آسمان ڈو اڈاری  
 فریدے۔ خیال دا اوہو آسمان جیس ڈو سچل اشارہ کیتا ہئی جو:

میں تاں کوئی خیال ہاں وو

ہن لکھساں وی نال خیال دے

خواجہ فرید ایس آسمان تیں بچ کر اہیں اکھیندے جو:

دل مست محو خیال ہے

بر مو تفاوت ناں سہوں

اے خیال عین وصال ہے

تے کمال ہے نہ جو ہے جنوں



## سیف الملوك دا فکری تجزیہ

سرائیکی ادب دی ابتدائی شعری صفحاں اچ جتنی حیثیت مثنوی کوں حاصل رہی ہے شیت ہی کہیں پئی صنف کوں ملی ہووے۔ ایہ مثنویاں سرائیکی وسیب دے شعراء دیاں قادر کلامی دیاں نہ صرف علمی ادبی سطح تے دلالت کریندن بلکہ انہاں مثنویاں وچ ثقافت، قصہ گوئی دے نال نال اخلاقیات دے تقاضیاں دا وی ہر لحظہ دھیان کیتا گے۔

سرائیکی مثنویاں وچوں سب توں زیادہ مقبول مثنوی تے مثنویاں دی سر تاج مولوی لطف علی دی مثنوی سیف الملوك ہے۔ ایندی خوبصورتی اچ سب توں نمایاں طور تے ایندی رواں تے مترنم تے خیالاں تے لفظاں دی اعلیٰ ترین موتی کاری ہے۔ ایہ مثنوی کئی خصوصیات دی حامل ہے۔ ایندے فکری پہلوئیں تے غور کروں تاں ساکوں ایندے کئی خفیہ فکری گوشے وی ملدن۔ مثلاً

مثنوی وچ عاشقی دی داستان ہے لیکن اینکوں استعاراتی طور تے ہر انسان اپنی جدوجہد عشق دی کہانی تصور کریندے۔ قصہ دامتزنم انداز قصے دے قاری کوں خود کہانی اچ ملوٹ کریندے وینداتے ہندہ تصورات دی دنیا اچ گم تھی ویندے۔

مثنوی وچ ہیاں دیو مالائی داستاناں دی کار ایندے وچ مافوق الفطرت کرداراں کوں زیادہ اہمیت نی ڈتی گئی بلکہ انہاں کوں انسانی حوالے نال ہر جگہ تے نشا برکیتا گے۔ قصے کوں اساں زولوجی کل گارڈن (Zoological Garden) دی آکھ سچکوں۔ جیدے وچ انسان تے ہیاں پرندیاں تے جانورال نال انسانی ربط تے واسطہ فطری انداز نال ملدے۔ ایندے نال نال مثنوی پڑھ تے ہک سرسبز شاداب جنگل دا وی تصور ابھر دے جیدے وچ عجیب و غریب تے ونگوونکی رنگ تے خوشبوواں دے پھل پلے نرے ہوئے ہن، مطلب ہے جو قصے وچ ہک جید دی جاگدی دنیا ہے۔

قصے دا ہیر و آدم زاد ہے تے ہیر و سن پری زاد ہے تے ایس گالھوں ایس مثنوی وچ ہک انوکھا پن یعنی فطری تے مافوق الفطری کرداراں دی ملی جلی پُر فریب تے سوہنی وادی دی صورت پیدا کیتا گے۔ قصے وچ صنف نازک دافطری جذبہ تے دلی کمزوری قصے توں صاف جھلکدی ہے۔



مثنوی سیف الملوک وچ جتھاں لفظاں دی شیرینی تے خیالات دی چاشنی ملدی ہے اتھاں  
ایندے وچ اوکھائیاں، تنہائیاں، انسانی حسی تے غیر حسی مشکلات دے مختلف جہیں مقابلے، حیرت انگیز  
تے فکر انگیز واقعات تے حادثات نے سہنس دے عنصر ہر جا قاری کوں متجسس رکھیندن۔

مثنوی وچ منظر نگاری، جزئیات نگاری، جذبات نگاری تخیل دی پرواز تے مصالحو دار اسلوب  
بیان ایس مثنوی کوں زندہ رکھن والے عوامل ہن۔ ایہ مثنوی دور قدیم تے جدید دی ثقافت دی اجرک  
ویس اچ ہک لاجواب مثالی شہکار ہے۔ مثنوی سیف الملوک کوں ایندیاں فکری تے فنی خوبیاں پاروں اردو  
دی شہکار مثنوی سحر البیان دے مقابلے اچ رکھ سچدوں۔ ایس بارے سیں لطف علی کوں وی اپنی مثنوی  
دے مقبول ہووڻ دا احساس ہی تہوں انہاں اکھیا ہاجو :

لطف علی دا غوغا را ہسی ایس جگ توڑیں

مثنوی درسِ جدوجہد دی مثال بن گئی ہے تے انسان تے دورانِ مشکلات حوصلہ تے جرأت نال  
مقابلہ مثنوی دی اخلاقی روح پیش کرن دی عمدہ مثال ہے۔ مثنوی وچ عالمگیر سچائیاں دے درتچے قاری  
تے کھلن چیدی حقیقت توں کوئی انکار نہیں کر سچد۔ ایہ حقیقت وی بزبانِ لطف علی ملاحظہ تھیوے :

لطف علی اتھ بھوگے ہر کوئی لکھیا روز ازل دا

غرض مثنوی زباندانی، تخیل انگیزی وچ ولی دکنی، منظر نگاری وچ نظیر اکبر آبادی اتے اکھا پان  
دے ورتارے پاروں ذوق تے داغ داکلام لگدی ہے۔ مثنوی داہک ہک مصرعہ عشق دیاں کارسازیاں تے  
کرشمہ نوازیاں دا مظہر ہے۔ اتے جذبات تے تمثیلات داہک خزانہ ہے۔ قصے وچ ایس طرح دے حکمت  
دے موتی ملدن۔

☆ روز ازل دا لطف علی اتھ لکھیا کون مٹاوے

☆ لطف علی دیوارِ بڑھی کوں نویں ملے گڑمالے

☆ لطف علی کم تھیوے جو کوئی گھڑیا ازل دے گھاڑو

☆ لطف علی اتھ بھوگے ہر کوئی لکھیا روز ازل دا

اتھاں ذرا لطف علی دی مختلف حوالیاں نال منظر نگاری توں لطف اندوز تھیندے ہیں۔ ہک طوفان

دا منظر ملاحظہ تھیوے :

پیا کڑکاٹ دھندھاٹ دھماں دھم، سسم شوکاٹ ڈکھائی

کنٹ من گڑ گڑا کر لتھا جھڑ مڑ مینہ وسائی

زیر زبر سب آپ ڈسے تھئی الٹ پلٹ الٹائی  
 ہر ہک کوں ہک بے دی ہوئی ہرگز خبر نہ کائی  
 گئی تدبیر ملاحاں دی جاں بنی رضا الہی  
 کھا مکر تھئی مکرے بھڑی تختے تھئی توائی  
 آپو آپ انجو انج رُلئیے ، تختے جا پہ جائی  
 شہ سیفل کوں محبوب دی گولہ انج چہڑیاں اوکھائیاں پیش آیاں انہاں دے منظر ذرا ڈیکھو :

ڈھندا پوندا ویندا سیفل سہدا سول ہزاراں  
 آیا پیش ملوک بدن دے پرہت پندھ پہاڑاں  
 کالے روہ ڈکھالی ڈیون مثل سیاہ انگاراں  
 نازک پیر تھیونس پُرے ظلم کیتا خس خاراں  
 ہن خود سیفل دے حسن جمال دا منظر ڈیکھو :

مورت ماہ ملائک صورت ، شہ سیفل صفوانی  
 شعلہ شمس ، مرغ شامک یا وت یوسف ثانی  
 طوبی طور کلاں کش قامت ، رخ فردوس نشانی  
 واہ کاکل خمدار خم و خم واہ مستک مستانی  
 مستک نور نمونہ نادر نین ڈوہیں نورانی  
 تاپش کرے تجلا رخ تے جلوہ جوڑ جوانی  
 ہن سیفل دے محبوب دیاں زلفاں بارے لطف علی دیاں لفظی تصویراں ڈیکھو :

زلفاں کالیاں شاہ پری دیاں دوڑ دلیں وچ وڑیاں  
 تیغاں تیز برہ دیاں کاری درد منداں بر کھڑیاں  
 چھاتی تروڑ کلیجے کوں بھن ، جان جگر وچ وڑیاں  
 سیرٹھ دے گھت بھیر برہ دی سے موجاں لکھ دھڑیاں  
 سوز کنوں دلبریاں ہوئیں کون کرے دلبریاں  
 لطف علی تھیاں خاک دلیں سے اس آتش دیاں سڑیاں

مثنوی وچ شہ سیفل ، ہیروئن بدلیع البانو، ملاں سراندیپ جزیرے دے بادشاہ اعظم دی دھی،

سہ ماہی سرائیکی بہاولپور



سعد سیفل وایار، شاہ عاصم مصر دہلی شاہ، شہ پال ملک ارم و شاہ تے بانو داپو چہے فطری کردار اں دے علاوہ دیرہ پریاں، گورن ہنگھی دے مافوق الفطرت کردار اں دی کردار نگاری بیوں چسولی ہے۔  
غرض مثنوی سیف الملوک محبتاں، چہاوتاں، عذاباں، جدائیاں، تنہائیاں، ہنجواں، ٹھڈے شکاریاں تے جد و جہد منزل دی ہک من بھاونی عام فہم داستان ہے جیدے وچ زبان دا چرہار، قصہ من کردار اں مطابق صحیح سخن فہمی اتے شناسی دے موتی ہر جا کھنڈے ہوئے مگر آپس وچ صحیح مناسبت تال جڑے ہوئے ملدن۔

ڈینہہ وار

جھوک

ملتان

سرائیکی زبان دا کلہا ڈینہہ وار اخبار روز ڈیہاڑی دیاں تازیاں خبراں تے مضمون

سرائیکی وسیب دے سیاسی، سماجی، علمی، ادبی حال احوال

آپ پڑھو تے سنگت کون پڑھاؤ ————— رابطے سانگے

ظہور احمد دھریچہ چیف ایڈیٹر ”جھوک“ قلعہ کہنہ قاسم باغ ملتان

## نیو بہاول پور موٹی چور ہاؤس

فاضل سینٹر بالمقابل قائد اعظم میڈیکل کالج سر کلر روڈ بہاولپور  
موتی چور ہاؤس والے ہمیشہ کی طرح نئی وراستیاں پیش کرتے ہیں

ہماری فخریہ پیش کش رس ملائی اور زعفرانی ٹھنڈے رس گلے ہر موسم میں دستیاب ہیں  
☆ بادام پاک ☆ پستہ پاک ☆ سنگاپوری سموسے ☆ ریوالہ پیڑے ☆ کلکتہ لیڈو ☆ مولی پاک  
☆ گلاب قلاقند ☆ اورنج برنی ☆ ونیلا برفی ☆ پائن اپیل ☆ رس گلے ☆ بنگالی رس گلے  
☆ ملائی چانپ رس گلے ☆ ملائی چانپ گلاب جامن ☆ نن پسند شاہی پیس اور نمکوکی  
مکمل وراثی دستیاب ہے

صدر سویٹ ایسوسی ایشن موتی چور والے فتح خان

بازار بہاولپور فون نمبر ۸۸۱۷۳۰

استاد ایم صدیق

## سرائیکی کافی ہک مطالعہ

سرائیکی شعری ادب وچ ”کافی“ اڻٻاڻک نونکا مقام رکھدی اے تے لوک ادب دے بعد مقبول ترین صنف اے۔ اے ہک مکمل نظم ہوندی اے۔ ایندا موضوع یا موضوعات بھانویں کجھ ہون و حدت تاثر ضروری سمجھیا ویندے۔ عام طور تے سرائیکی کافی دی ظاہری شکل و صورت یا ہیئت ایہہ رہی اے جو پہلے غزل دے مطلع دی کارہک شعر ہوندے جیدے ڈونہیں۔ مصرعے غزل دے مطلع دی کارہم قافیہ تے ہم ردیف ہوندن۔ و تے ایندے بعد چار، پنج یا چھی مصرعیاں دے بند شامل کیتے ویندن۔ ہر بند دے شروع دے مصرعے کو جہیں ہم قافیہ تے ہم ردیف ہوندن۔ و تے ہر بند دے چھیڑی مصرعے کوں مطلع دے ہم قافیہ تے ہم ردیف آند اویندے۔ بند دے بعد ٹیپ دا مصرعہ ولا ولا آندے یعنی استثنائی ضروری اے۔ ایس ایہہ خالص غنائی صنف اے۔

آکھیا ویندے جو لفظ ”کافی“ عربی توں آئے۔ جیدے معنی ”وافر“ تے ”زیادہ“ ہن۔ سرائیکی کافی دا اظہار زیادہ تر تریمت دی طرفوں ہوندے۔ ایہی کیتے اکیوں اردو دی ”ریختی“ سواں وی آکھیا گئے اونویں کافی منڈھ توں مذہب، الہیات، وحدت الوجودیت، ہمہ اوست، تزکیہ نفس، تطہیر قلب، پاکیزگی اخلاق، تے ترک دنیا جہیں مضموناں نال مخصوص رہی اے اتے معرفت تے سوز و گداز ایندی خاص سنجان رہن۔ پر ہن ایندے موضوعات وچ ساوٹ دی بہار، بجلی دی چمک، محبوب دے کجلے دی دھار، ہوٹھاں دی سرخی تے چولی دی مہک تک دیاں ڳالھیں وی کیتیاں ویندن۔

سرائیکی کافی دے منڈھ بارے کئی ڳالھیں کیتیاں گئیں۔ کیفی جام پوری مرحوم آپنی کتاب ”سرائیکی شاعری“ وچ لکھیا ہا :

”سندھی زبان وچ کافی دا مونڈھی ناں ”وائی“ ہا تے شاہ عبداللطیف بھٹائی دی ایجاد سمجھی ویندی اے۔ انہاں سرائیکی وچ وائی آکھی اے“

اگوں لکھدن : ”سرائیکی وچ ایہہ صنف شاہ دی وائی کنوں پہلے رائج ہی تے کافی ای اکھویندی ہی۔ شاہ حسین دیاں کافیاں ہن چھپ چکن۔“ (صفحہ ۱۲۵)



اتھاں ایس گالھ دی وضاحت ضروری اے جو جیڑھے لوک کافی کون 'وائی' دی ڈوجھی صورت سمجھدن غلطی تے ہن۔ کیوں جو کافی تے وائی دی بندش وچ کافی فرق اے تے کافی، وائی کنوں پرانی صنف اے۔ سرانیک وچ وائی شاہ لطیف دے بعد وی بلکہ ہن تک لکھی ویندی اے۔ جیویں جو کرم ٹالپور دے مجموعے "دل دیال دا انھیں" وچ ۲۷۷ کاغیاں دے علاوہ پنج وائیاں وی شامل ہن۔ ایہی طراحویں ریاض فاروق بزدار جہیں نیگر شاعر دے مجموعے "نین نظر دن نیلے" وچ نوں وائیاں شامل ہن۔ بیاتاں بیا غلام حسین ساجد دے ۱۹۷۸ء وچ چھپن آلے مجموعے "دنیا پھرے غمازی" دے بازھاں وائیاں سمیت ۸۴ سرانیکی وائیاں دا مجموعہ وی "پانی بڑ مز بھرے" دے ناں نال چھپ چکے۔

ڈاکٹر نصر اللہ خان ناصر آپنے ڈاکٹریٹ دے مقالے "سرانیکی شاعری دا ارتقاء" وچ سرانیکی کافی دے منڈھ بارے لکھدن :

"اساڈے نزدیک سرانیکی زبان وچ سب توں پہلے ستویں صدی ہجری وچ حضرت شاہ شمس سبز داری نے جو گنان تحریر کیتن اوہ کافی دی سرانیکی وچ پہلی باقاعدہ ٹکڑی شہادت اے۔ بندش، مزاج تے سانچے دے اتارنا ہر طرح کافی صنف دارنگ رکھدن۔" (صفحہ ۱۷۴)

حضرت سچل سرمست جنہاں بارے آکھیا گئے کہ اوہ نوں لکھ چھیا سٹھ ہزار چھی سو شعراں دے خالق ہن۔ انہاں سرانیکی کافی کون زندہ جاوید بنایا تے کافی دے بنیاداں کون مضبوط کیتا۔ تاہم سچل دے نال نال سرانیکی کافی نے حمل لغاری، فقیر لغاری، صدیق فقیر، مولوی محمد بخش محمدن، منشی غلام حسین گانمن ملتان، میاں واصل جھنگوی، بے دل فقیر سندھی، عثمان فقیر سانگی توں تھیدے ہوئیں خواجہ فرید توہنیں لگی رنگ وٹائیں۔ سرانیکی کافی دے پہلے دور وچ سچل سرمست، گانمن ملتان، روحل فقیر، ہیدل سندھی تے مخدوم شمس الدین دے ناں اہم ہن۔ ایس دور وچ کافی دے موضوعات وچ عشق حقیقی دی سرمستی، تصوف تے معرفت، وحدت الوجود، مذہبی رواداری، انسان دوستی، حیاتی دے مثبت رویے، رجائیت تے عشقیہ داستاناں دے کردار رہ گئے۔ سچل سرمست دیاں کاغیاں دا ڈو ترہائی حصہ وحدت الوجود تے ہمہ اوست تے مشتمل اے۔ انہاں دے من بھاندے موضوع محبت رسول، مرشد و امقام، ملائیت دی مخالفت، فلسفہ خود شناختن، منصوری روایت، عظمت انسان، مست انسان تے رجائیت ہن۔ انہاں دے کلام توں ویجیاں ڈیکھو

بے شک سیڑی بند ہی ہاں

یار سچل بیزار

میلی ہاں یا مندی ہاں

دین مذاہب، کل دے کولوں

ہن کافی اکھن آ لے اکثر قدیم شاعراں دا کلام دستیاب کا نئی۔ مثلاً کافی دے ہک وڈے شاعر گانمن ملتان دیاں چھڑیاں ترائے کافیاں محفوظ رہ گئیں۔ ہک کافی توں نمونہ ڈیکھو :

اماں نی ہک جو گہڑا آیا کوئی صاحب حسن جمالے  
راجھن میڈے سر دا والی بھلا کھیریاں دی کیا جمالے  
گانمن باجھ جمال الہی بھلا کون میڈے غم ٹالے

سرائیکی کافی دا ڈو جھادور خواجہ غلام فرید اتے انہاں دے ہم عصر شعراء عاقل جوگی، کمال گسی، محمد علی محمدن، جندن ملتانی دا دور اے۔ خواجہ فرید نے فنی لحاظ نال نویں تے کامیاب تجربے کرتے ایندی ہمت وچ کئی سوہنے تے خوشگوار تبدیلیاں کیتن۔ انہاں لفظیں دی مینا کاری تے جذبیاں دی فراوانی دے نال آہنگ تاشو وچ گھاٹ نی آون ڈتی۔ ہک کافی توں اقتباس ملاحظہ کرو :

آئے مست ڈیہاڑے ساوٹ دے ساوٹ دے من بھاوٹ دے  
بدلے پورب ماڑ ڈکھن دے کچلے بھورے سو سو وٹ دے  
چارے طرفوں زور پوٹ دے سارے جوڑ وساوٹ دے

خواجہ فرید دے معاصر شاعراں وچ اکثر دے کافیاں انہاں دے رنگ وچ رنگیاں ہوئیاں ہن۔ خواجہ عاقل محمد جوگی، سید ولایت شاہ، تے عمر خان شاہد دے کافیاں یادگار ہن۔

سرائیکی کافی دا ترچھادور نوروز، خرم، یتیم، سائل، صالح الہ آبادی تے فقیر حنت علی دا دور اے۔ نجم بخش نوروز دے ۱۲۶ کافیاں مولوی بر خورادر وفانے مرتب کرتے ”شعلہ دلسوز“ دے نال ۱۹۲۶ء وچ چھپوئیاں۔ نوروز اوہ پہلا شاعر اے جیہیں سرائیکی کافی کون داخلیت تے روحانیت توں اگوں کرتے خارجیت اتے رومانیت دولایا۔ مجاز تے خارجیت انہاں دی سجاٹ اے۔ انہاں کافی وچ تصوف کون چھوڑ کے خالص انسانی جذبیاں دا بیان کیتے۔ مثلاً

سجاٹ حال تے بھال نہ کیتی گالی عمر اجائی ہم  
پکڑ رکاب رقیباں دے ہک ہک دی منت چائی ہم

اونویں تاں دیہویں صدی وچ خرم بہاولپوری، خادم مکھن بیلوی م نور محمد سائل ڈیروی، یتیم جتوئی، جانباز جتوئی، صالح الہ آبادی، فیض محمد دلچسپ، غلام حسین زائر، اقبال سوکڑی، سرور کربلائی تے سفیر لشاری جہیں کئی شاعریں کافی دے میدان وچ خدمات سرانجام ڈتن تے ایندا مقام بلند کیتے۔ پر خرم نے



کافی دے پردے اتے انسانی احساسات تے جذبات دے جیدے جاگدے تصویراں ہائے۔ خرم ماہر عروض تے ماہر زبان ہا۔ اوں نوں ڈکشن تے جدید روایت دامنڈھ پدھا۔ جتھاں قدیم سرائیکی محاورے، کہاوتاں، استعارے، کنائے دے رنگ لاقن۔ اتھ کلام، دے زور تے سحرکاری نے انہاں دے کافیاں کوں اہم بناڈتے۔ ہک شعر ڈیکھو :

تترئی تے پر کوئی ڈوہ تاں ڈے  
خرم دی ہک کافی تے بہوں اعتراض وی تھے پر اعتراض کرن آلیاں دی دال گل نہ سگی۔ اعتراض شدہ شعر ایہہ ہے۔

ہن کیکوں ہوش نمازاں دے  
کٹھیرے پے ہن یار دے نازاں دے  
سرائیکی کافی دا چھیکڑی تے چوتھا دور نوں اسلوب تے جدید لب و لہجہ دا دوراے۔ ویسی مسائل ایندے خاص موضوعات ہن۔ ایں دور دے مہاند رے شاعر اں وچ جانباز جتوئی، فیض محمد دلچسپ، سخت آور کریم، خلیق ملتانی، دلدار ملتانی، فقیر نور جعفری، سرور کربلائی، قیس فریدی۔ ریاض رحمانی، نصیر سرمد، رمضان طالب، فیض بلوچ تے نصر اللہ ناصر داناں گھداونج سبگیدے۔

ایہہ ہک سرسری مطالعہ ہا۔ ہن سرائیکی کافی دے کتابی شکلاں وچ مطبوعہ پندھ دو ڈیہدے ہیں جیڑھا ہک صدی توں ودھ تے محیط اے۔ انویسویں صدی دے چھیکڑ وچ خواجہ فرید دے کافیاں دے علاوہ کمال خان دے کافیاں تے مستن ملتانی دی 'بحر فراق' ۱۸۸۸ء وچ چھپیاں۔ ویسویں صدی دے پہلے آدھل وچ جنہاں شاعر اں دے کافیاں چھپ سبجیاں انہاں وچ جندن ملتانی دی 'بازار عشق' مطبوعہ ۱۳۱۷ھ، اللہ ڈتہ ڈتل دی 'مجاز الفراق' مطبوعہ ۱۳۲۳ھ، خواجہ محمد عاقل جوگی دی 'مجموعہ کافیاں ہندی' مطبوعہ ۱۳۲۳ھ، (۸۴ کافیاں تے مشتمل ڈو جھی واری ۱۹۹۶ء وچ چھپ چکی اے)، جہاں شاہ مجروح دی 'بحر الفراق' مطبوعہ ۱۳۳۷ھ، محمد بخش نوروز دی 'شعلہ دلوز' ۱۳۴۱ھ دے علاوہ سید مبارک شاہ دی 'داغ جگر' مطبوعہ ۱۹۰۵ء۔ اللہ ڈیوایا پد جوش دی 'کلام پد جوش' مطبوعہ ۱۹۳۳ء تے مولوی خیر الدین صابر ملتانی دی 'یادگار صابر' مطبوعہ ۱۹۳۵ء قابل ذکر ہن۔

ویسویں صدی دی تریمھی چوتھائی وچ مرتبہ کتاباں 'رت دیاں ہنجوں' مطبوعہ ۱۹۶۷ء، تے 'وہندے نیر' مطبوعہ ۱۹۷۳ء دے علاوہ بہنیں شعری مجموعیاں جیویں خرم بہاولپوری دے 'خیابان خرم' مطبوعہ ۱۹۶۵ء، یتیم جتوئی دے 'دُر یتیم' مطبوعہ ۱۹۶۷ء، شاد گیلانی دے 'ہاں دے پیرے' مطبوعہ ۱۹۷۳ء وچ کافیاں موجود ہن۔ دلدار بلوچ دیاں کافیاں دے مجموعے 'شب ہجراں' مطبوعہ ۱۹۶۶ء

دے علاوہ 'ڈکھاں دی کھاری' مطبوعہ ۱۹۶۹ء وچ وی کافیاں شامل ہن۔ ایں صدی وی چھیکڑی چوتھائی وچ فیض محمد دلچسپ دے 'ٹھڈڑے ساہ' مطبوعہ ۱۹۷۰ء، خنت علی خنت دے 'دیوان خنت' مطبوعہ ۱۹۸۱ء، تے سائیں داد کھوڑہ دے 'عشق دی نویں بہار' ۱۹۸۳ء وچ کافیاں موجود ہن۔ ۱۹۸۷ء خواجہ نور احمد فریدی دا 'دیوان احمدی' شائع تھیا۔ ایندے وچ ۱۳۴ کافیاں ہن۔ اہنہی سال سلطان علی ذوالفی دے کافیاں دا مجموعہ 'مارؤ تھل' وی چھپیا۔ ڈاکٹر مر عبدالحق نے مسلسل ماہیہ دی شکل وچ نویں طرز دے ۹۱ کافیاں 'لاڑیاں' دے ناں نال ۱۹۹۰ء وچ چھاپیاں۔ جیڑ ہلے جو ۱۹۸۹ء وچ نور احمد نوری لایکا دے ۸۲ کافیاں تے مشتمل کتاب 'راہی تھل دی' چھپی۔ ۹۰ء وچ شنراد قیصر دیاں کافیاں 'ہگل وچ پائیم پریت مہار' دے ناں نال چھپیاں۔ اہنہی طراحویں خواجہ علی اکبر دی 'فیوضات اکبری' مطبوعہ ۱۹۹۲ء وچ ۶۳ کافیاں شامل ہن۔ ویسویں صدی دی ایں چھیکڑی چوتھائی وچ وی کافی دی توانار وایت موجود ہے پئی۔ اکثر شاعراں دے شعری مجموعیاں وچ 'کافی' دے عنوان نال منظومات شامل کیتیاں ویندن۔ جیویں جواقبال سوکڑی دے 'ہنجوں دے ہار' وچ نوں اتے 'ڈکھ دی جج' وچ بارہاں کافیاں، کرم ٹالپور دے 'دل دیاں دانھیں' وچ ۲۷ کافیاں، سرادر احمد سعید دے 'ہنجوں دے موتی' وچ ۲۶ کافیاں، خنت علی مسرور دے 'آساں دے پھل' وچ ۷ کافیاں شامل ہن۔ خواتین شاعرات دے شعری مجموعیاں وچ وی کافیاں شامل ہوندن جیویں جو خنت آور کریم دے 'اٹک مٹک دیداں' تے بہا النساء بہار دے 'چھل پل اکھیں' دی مثال ڈتی وچ ہگیدی اے۔

ایں صورت حال کوں ڈکھ کے جطور تے امید کیتی وچ ہگیدی اے جو آوٹن آلی صدی وچ وی کافی 'سرائیکی شاعریں دی بدولت ہوند وچ آندی رہ ویسی تے ایں سرائیکی کافی داماخی، حال تے مستقبل پہوں روشن اے۔

## سرائیکی

سرائیکی اپنے وطن عزیز کی زبان ہے، ایک زندہ زبان، اسے زندہ رہنا چاہیے۔ یہ ایک فصیح، متمول اور چاروں صوبوں میں بولی سمجھی جانے والی علاقائی زبان ہے۔ ہمارا جائز مطالبہ ہے کہ ایم اے (سرائیکی) فارغ الخوانوں کے لیے لیکچررشپ کی اسامیاں پیدا کی جائیں تاکہ ایف اے، بی اے کی کلاسوں میں سرائیکی مضمون کی تدریس ہو سکے



## سندھ دے پارتے ارواردی شاعری

جیکر اساں اے آکھوں جو ایس ویلے سرائیکی زبان دی شاعری عروج تے ہے تاں اے ایس گالھ دو اشارہ ہوسی جو سرائیکی وچ شاعری دا ادما یا احیا سرائیکی لسانی تحریک دا حصہ اے۔ تھی سچھ دے اے گالھ ساری درست نہ ہووے جے کراساں ایہا گالھ ایس آکھوں جو وسطی وادی سندھ وچ ایس ویلے شاعری دا زور اے تاں ایس گالھ دے درست ہووے دا امکان ودھ ویسی۔ کیونجو وسطی وادی سندھ وچ سویں عوامل وچو کئی ہک عامل یا ہک کنوں ودھ عوامل سرائیکی شاعری دے ابھار داسوب تھی سچھن۔ مثلاً اے جو سماجی کایا کلپ (ٹرانفارمیشن) دی وجہ کنوں آوٹ آلیاں قدریں اتے ونجن آلیاں قدریں ڈوبائیں نشاں تھی کیں احساس تے اثر کرن پئے گئیں۔

تقابل کیتے ساڈے ساہنے سندھ اتے پنجاب دے خطے ہن۔ ڈوبائیں خطے اجوکی شاعری کنوں واندے ڈسدن۔ شیخ ایاز اتے نجم حسین سید ہک تاں اپنے اپنے قد اچ کھکھے ان اتے ہن وی ہک ڈبا کے پچھو تو نہیں دے شاعر۔ سرائیکی علاقے وچ ڈبا کہ پچھو تو نہیں دے شاعر وی ہک کنوں ودھ ان۔ اتے اجوکی شاعری وچ ایہو سنوئیں صورت حال ٹردی جلدی اے بلکہ ودھیک اے۔ گھٹ کنوں گھٹ ادھ درجن شاعر اٹھیں ہن جنہاں دے تقابلی مطالعے وچ Exclusion (باقی کون چھنڈک کیں ہک ادھ کون نثار گھنٹ) اوکھا اے۔ ایندے کیتے انہاں دی موضوع، شائل وغیرہ وچ ونڈ اتے پال بندی-Clas sification کرنی پوسی اتے سرائیکی ادب وچ حالی تو نہیں تنقید اتلی ترقی نہیں کیتی۔ سرائیکی شاعری دی ہک پال بندی دریا سندھ دے پار ارواردی ونڈ تے تھی سچھ دی اے۔ یعنی دریادی بجی (پچادھی) کندھی دے شاعر اتے دریادی پوادھی کندھی دے شاعر۔ تھولی تھیں محنت کرتے تاں ایس ونڈ کون پنیاد رکھ کیں ڈو دو چو، ہر ہک پال دے شاعریں کون کئی ہک سنوئیں، اتے ڈو جھی پال دے شاعریں کون وکھرے اوصاف ونڈ (Allocate) کر سچھ دے ہن۔ مثلاً اے جو سندھ دی پچادھی کندھی دے شاعر زندگی دی بے امکانی وچوں امکان کڈھن دے جیڑھے تجربے وچو گزردن۔ دمان وچ منظر نہیں ہوندے۔ یا ایس آکھن زیادہ درست ہوسی جو آدھلے دریا سندھ دی پچادھی کندھی اتے روہ سلیمان دے وچالے دے منظر

ساکت (Static) اتے مندرے ہوئے ہوندن۔ اتھاں شاعر منظر نگاری نہیں کریندا۔ کرے تاں ٹھہری نہیں۔ اودھپ یا گھپ اندھارے دے بے رنگ منظر وچ مکی پدھ کیس پڑیہدے اتے اتھو دی دانش دی ایہا پرکھ اے جو کون بے منظر چودھار وچ ڈھیر دیر تو نہیں مکی پدھ کے ڈیکھ سگدے حتیٰ جو اپنی دیکھ دے نکلتے وچو کوئی امکان کوئی صورت پیدا تھیوے تے وت اوند اظہار تھیوے۔ اقبال سوکڑی دا اے شعر ساڈے ایس آپ خوردہ (Subjective) بیان کوں کجھ سوکھا کریسی :

کھن کھمی تاں کھسی گئی اکھیں دی پینائی  
نظر نہ ہئی تاں وسوئے دا عجیب منظر ہا

دامان اصل اچ یعنی روایتی ڈیفینی نیشن Definition دے لحاظ نال شاعری دا خطہ نہیں۔ اتھاں شاعر تفکر وچ دم (Stemna) ورت کیس شعر تخلیق کریندے۔ ڈکھ کوں دریافت کرن یا اوندے وچو گزرن چنگا شعر آکھن کیتے کافی ہوندے۔ پر دامن دا شاعر ڈکھ نال لمبی، خود آزادانہ صحبت کریندے تے کوئی لائن لکھدے۔

سندھ دی پوادھی کندھی دے امکانات سال پپالی چھل، اکر س دے بعد ٹھڈیں ہیلیں، ریشی ریت، امبیں تے کپاہیں دے پورتے پھل اتے کماندے مٹھاج دی آدھی اچ جکے رنگ برنگے نہیں بلکہ پوادھ لا محدود اے اتے ہر سوڈو سوکھ دے بعد چنھاں تے ستلج وغیرہ دے لڑپاند ایس کندھی دے بندے کوں کلھسیجے (سوائے شخصی نفسیاتی کلھسیجے دے) کنوں چائی رکھدن۔ جیکر کہیں کوں دمان وچ زندگی گزارن دا تجربہ ہووے، تاں سندھ دی پوادھی کندھی لت رکھن سیتی بندے کوں اینویں لگدا ہا جیویں او کہیں اچے کھلے لڑے توں لہہ کیس کہیں کھنڈی پنڈی وڈی کائنات نال جڑ گئے۔ ایس مفروضے دے بعد رفعت عباس دی پہلی نظم ”پڑچھیاں اتے پھل“ (پوری کتاب ہکا نظم اے) کوں پڑھیں جیسے تاں نظری جوہک چھوٹے جھم (Locale) (ٹوٹے زمین) دی شاعری وچ امکانات دا طلسم ہو شربا وٹیا کھڑے۔

لحظہ لحظہ گم تھی دنجوں ول ول جھمراں پاووں  
ساڈا سب کجھ نال اساڈے جتھاں دیرا لاناووں  
مدتاں بعد اچ پائیاں اتوں گھر در ولے سے  
ہر شے ساکوں وھندی وھندی ٹردی ٹردی ڈے

ایہو فرق ڈوہائیں شاعریں دے لسانی پچھو کڑ وچ ڈو نگھٹا اتے معلوم کر پاپوسی۔ شاعر جزوی حد تو نہیں اپنے وسیب دی زبان وچ موجود شعری مواد کوں بدھن جوڑن (Formulate کرن) دا کم

سہ ماہی سرانیک کی بہاولپور



کریدے۔ دامن دی زبان دا شعری محاورہ معنوی اتے فلسفیانہ اے تہوں مختصر اے۔ کجھی تھل تے بیٹ  
 وغیرہ دالسانی محاورہ ثقافتی، غنائی اتے متحرک اے (متحرک دی جاہ تے "موزوں" دالفظ جان کیس نہیں  
 درتیا کیوں جو "وزن" اضافی اتے نسبتی تصور اے)۔ سندھ دی پوادھی کندھی چٹائی بھلی شاعری خود روز  
 ڈھاڑی دی زبان اچ موجود اے۔ لا تعداد موزوں مرکبات، ادھ مصرعے اتے بھلے پورے پورے  
 مصرعے لوکیں دی گفتگو وچ شامل ہوندن۔ مثلاً بیٹھ لکھے رومانی ماہیے دے مصرعے دے ٹوٹے تھل دے  
 ہوٹلیں اتے وسا خیں دی دوستانہ گالھ بات وچو کھٹے تھئے ہوئے۔

اجڑ گیاں اتے نکھر گیاں دے تھیدے قسمت نال کر اس اے

سندھ دی پچادھی تے پوادھی کندھی دی شاعری دا مفروضہ قائم کرن دے بعد ڈوہائیں  
 سرائیکی خطیں دے ہک ہک شاعر دی ہک ہک نظم دا تجزیہ کر گھنہ جیے تاں اے مفروضہ کجھ مزید با معنی تھی  
 دیسی۔ اے شاعر ہن عزیز شاہد اتے اشوالال فقیر (شاعریں دی چون محض اتفاقی اے شاید انہیں ڈوہائیں  
 دی مقبولیت دا غیر شعوری اثر اے) پر ایس تجزیے کنوں پہلے شاعری دے بارے وچ مختصر نظری  
 (Theoretical) نوٹ پیش کرن ضروری اے۔ شاعری کیا اے؟

عام طور تے شاعری اشائل یعنی اسلوب کلام دا حصہ بگنڈی اے اتے ایس موضوع بیٹھ ایندی  
 حث تھیدی اے۔ پر شائل اپنے آپ کوئی موضوع نہیں۔ شائل کہیں کلام دا ہونڈے اتے وت شائل  
 متبادل ہوندن۔ ہک شائل یا بیہ شائل۔ شاعری دراصل علم معنی دا سوال اے۔

اگوت علم معنی دی شاخ منطق دے جزو Paragmatics (اخذ مفہوم) یا Rhetori-  
 cal Structure (میانیا تی وڈت) دے ماتحت ایندی تفہیم بہتر تھی سجدی اے۔ ایس علم دے کجھ  
 قانون دا مختصر تذکرہ اے ہے: زبان سمیت اظہار دیاں سکھ شکلاں تھولا بہوں مبہم یا کم از کم ذو معنی  
 ہوندن، زبان و میان داسارا کھنڈار..... یعنی لفظیں داودھار اتے لفظیں دیاں صرفی تشکیلات ابہام کوں دور  
 کرن دی ضرورت دے ہتھو پیدا تھن۔ ساڈی کہیں واضح گالھ دے وی عموماً ہک معنی نہیں ہونڈے بلکہ  
 ایندے ہک معنی موقع اتے ہک یا کجھ افراد کیتے ہوندن۔

روز ڈھاڑی گالھ بات وچ ذو معنویت عیب کلام اے۔ اسال ایس عیب کوں وقت دے وقت  
 دور کریدے رہ ویندے ہیں ایس عیب دے دور تھیوٹن، یعنی ذو معنی گالھ وچو ہک مطلوبہ معنی دے پہنچن  
 دے عمل دی بنیاد آکھن اتے سنن آلے دے وچالے متوقع آپت گیری دی مقدار: Degree of  
 mutuality between speaker and hearer تے ہونڈی اے۔

آکھن آلا گالھ آہدے ویلے سنن آ لے کنوں توجہ ڈیونن وے سمجھن دی مشقت کرن دی امید رکھ  
کیس گالھ کریندے (جو او او ہے معنی کڈھسی جیرہے میں ڈیون چاہنداں) ایندے بدلے سنن آلا آکھن  
آ لے کنوں امید رکھیندے جو او او ہے معنی ڈیندا پیا ہو سی جیرہے اوندے (سنن آ لے دے) نال را  
کھاندے (Relevant) ہوسن۔ چنانچہ او سنن سیتی باقی سکھ معنی چھنڈک (Exclude کر) کیس  
اوو ہے مطلوبہ معنی اخذ کر گھدے۔ مثلاً ڈاھ وچے سکول آون آ لے شاگرد کون جیرہے استاد جملہ (الف)  
آہدے تاں شاگرد جملہ دے مفہوم (ب) اتے (ج) وچو (ب) نہ بلکہ (ج) اخذ کریندے اتے جواب  
وچ (د) اتے (ر) وچو جملے (ر) دا انتخاب کریندے :

استاد : (الف) اے ویلہا لے کلاس وچ آون دا

(ب) کلاس وچ آون دا ایہو ٹھیک ٹائم اے

(ج) توں چر کے آئیں

شاگرد : جی ہامیکوں شاباش ڈیو

(ر) استاد جی معاف کرو۔ اگوتے ویلے سیتی آساں

اینہہ اتو لکھے قانون تے ساڈاروز ڈھاڑی دا آکھن بنن اتے سمجھن دا نظام قائم اے۔

شاعری وچ وی ایس بنیادی قانون دی پابندی اوئیں ضروری اے۔ شاعر ہک یا زائد، موجود یا  
فرضی سنن (پڑھن) آلیں کیتے گالھ کریندے اتے اے ہر گز درست نہیں جو شاعر لفظیں یا جملیں دی ذو  
معنویت (Ambiguity) کون حل کیتے بغیر یعنی سنن پڑھن آ لے نال را کھاندے (Relevant)  
معنی دا لحاظ کیتے بغیر گالھ آکھ ڈیندے بلکہ آپنے پڑھار یا سنن آ لے کنوں غور کرن دی جتلی محنت دی امید  
رکھیندے، معنی دے Relevant ہوون کون او ہو جتلا یقینی منیندے۔ فرق صرف اے ہے جو شاعری  
وچ ہک Relevant معنی کنوں علاوہ ہک یا زائد اضافی معنی ڈیون دی کوشش کریندی اے۔ ایندے  
کیتے پھنڈے کلام Loose expression دافن ورتیندے۔ تہوں شاعری وچ ہک کلام دے ہک  
را کھاندے Relevant معنی دا ہوون پہلی شرط اے اتے اضافی معنی ڈو جھی شرط اے۔ جے پہلی  
شرط پوری نہ تھیں تاں کلام ”مفہوم شعر در لہن شاعر“ دی مثال، یعنی مبہم ہو سی تے ڈو جھی شرط یعنی  
اضافی معنی نہ ہوسن تاں اے شے کلام (گالھ) تاں ہو سی پر شاعری نہ ہو سی۔ شاعری دے سنن / پڑھن  
وچ حظ دی بنیاد سمجھن دے عمل (Process of Decoding) دے لمبا ہوون وچ اے۔ تے  
سمجھن اچ زیادہ وقت جیکر ابہام دی وجہ کنوں بگے تاں اے عمل حظ نہیں ڈیندا بلکہ کوفت ڈیندے کیونجو



شاعر اپنی آپت گیری اتے رلا کھاند ا مفہوم ڈیون دے قانون دی خلاف ورزی د امر تکب تھیا ہوندے  
سنن / پڑھن آلا ایس زیادتی کوں پرکھ گھدے۔ اتے جیکر سمجھن وچ زیادہ وقت رلا کھاندے معنی  
قائم کرن دے بعد اضافی معنی گولن اتے سمجھن وچ لگے تاں اے عمل من بھاند اتے حظ ڈیوان آلا  
ہوندے۔ ایس نظری بحث دے بعد اسال سندھ دی پچادھی من دے شاعر عزیز شاہد دی نظم (درج  
ذیل نمبر ۱) اتے پوادھی من دے شاعر اشوالال دی نظم (درج ذیل نمبر ۲) ہک دے بعد ڈو جھی کوں  
پڑھوں تاں مختصر اے گالھیں نشابر تھیں۔

عزیز شاہد وچ شاعر تے سنن / پڑھن آلے دے وچالے متوقع آپت گیری Mutuality  
اتے رلا کھاندے (Relevant) معنی ڈیون دے قانون دی پابندی انتہا درجے دی اے۔ توڑے جو  
اضافی معنی زائد نہیں (غالباً رلا کھاندے مفہوم دے بعد ہک اضافی مفہوم پوری نظم وچ ٹردے) پر روایتی  
ادبی لفظیں وچ بیان کر تیجے تاں لفظیں دی چون اتے انہیں دی ترتیب معجزے دی حد تک مکمل اے۔ پتہ  
لگدے نظم الہامی و پند دے اثر اچ نہ بلکہ ہک ہک لفظ نونوہیں نال پوون تھیں عمل نال پوری تھی اے۔ ایس  
نظم وچ ”مندریجن“ جھیاں ڈھلے معنی آلا لفظ اپنے معنی دے سارے سمل، سارے چندیں نال ورتیا  
کھڑے (میڈے من دی مندری مندری گئی) ”ذرے“ دے مقابل ”تریہہ“ اتے ”تریہہ“ دی  
حالت وچ ”سراب“ دی صورت حال کیویں تریہہ دے عذاب کوں ودھا ڈیندی اے (ہک ذرے جیڈی  
جندڑی تے تریہہ لہہ پئی نال عذاب لٹھے) شعر وچ معنی دے نظام تے مکمل عرق ریزی کرن دی گواہی  
ان۔ اینویں لفظ ریت (رے ت) اتے (ری ت) داتلازم اتے ”ان ڈٹھروں“ (غائب توں) جھیں  
شاندار لفظ سازی (Coinage) سرائیکی ادبی زبان وچ پہوں دلچسپ تجربے ہن۔

اشوالال وچ ہک تاں وسیبی زبان وچ موجود شعری محاورے (جیہذا ذکر اتلے متن وچ تھئے) دی  
جھلک ملدی اے۔ اے عنصر انہیں دی پہلی کتاب ”چھیڑو ہتھ نہ مرلی“ وچ زیادہ نشابر اے۔ ایس کنوں  
علاوہ اشوالال وچ وجودی حوالہ پہوں تکرار نال ملدے۔ ہک پاسے شاعر اکتسالی علم کوں رورتن دی  
کوشش کریندا ڈسدے۔ ڈو جھی پاسو ایندے مقابل انسانی چس او ندے وچ طاقتور اے اتے سچا اظہار  
وجودی اظہار ای ہوندے۔ جتھاں ساکوں اشودیاں پہوں ساریاں لائناں ”مہم“ ہووٹ داتاثر ڈیندین،  
اوہے مقامات او ندے وجودی سچ دے اظہار دے مقامات ان۔ اسال علم معنی دے جیرھے معیارات دا  
تذکرہ اتو کیجے او ندے تحت اشوہوریں آپت گیری (Mutuality) اتے رلا کھاندے مفہوم ڈیون  
دے قوانین دی زیادہ پابندی کریندے نہیں ڈسدے۔ او اظہار دی طبعی آزادی دے اثر اچ ہن۔ ایند اپتہ

اتھو بگدے جو جتھاں شاہد دی نظم و اصرافی ڈھانچے (گرامر دی وٹت) مکمل طور تے پوری اے تے پہلے لکھ  
 کنوں گھن تے مچھیکو تو نہیں Speech و اتسلسل کتھانیں میں ترید ا۔ اتھو اشو (زیر بحث نظم وچ نہ) نظم  
 وچ بعض اوقات صرف اسماء ترتیب وار پوڈیندے اتے حرف، صیغے اتے لاحقے لاؤن کنوں مچھیکو  
 کوشش کریندے۔ مختصر اے جو جتھاں او ندے وچ رلا کھاندا (Relevant) مفہوم کمزور اتے کچھ  
 جاہیں تے غائب ہوندے اتھاں اضافی معنی دے امکانات بہوں زیادہ ہوندن۔ اشو یا تاں پڑھن / سنن  
 آلے کنوں بے پرواہ تھی کیں (جیرہا جو ممکن نہیں) نظم لکھدے۔ یا او ندے اتے بہوں اتبار کریندے۔  
 او ندی ہک مہارت اے ہے جو مبہم لگن آلی نظم وچ و سیبی محاورے دی زبان وچ ہک ادھ لائن اتھیں شامل  
 رکھدے جیرہی سنن / پڑھن آلے دی مشقت د ا معاوضہ اتے او کول بدھی رکھن د ا ذریعہ ہندی اے۔  
 بیٹھ لکھی نظم (نمبر ۲) وچ الفاظ د اور تار ابھوں پر اعتماد حد تک شخصی اے۔ مثلاً ”ہنکاں“ نامیاتی (Or-  
 ganic) شے دے متعلق ”گچھ“ حیوانی (Biological) تصور کول اتھیں بہتر انداز وچ جوڑے  
 نیں جو سنن / پڑھن والے دی فہم لفظیں دی تازگی دے نروے پن وچ مصروف تھی ویندی اے۔

(۱)

ہئی پہلی رات وچھوڑے دی  
 میڈے من دی مند ری مند ری گئی  
 سر ویری وہم عذاب لتھے  
 ہک ذرے جیڈی جندڑی تے  
 تریسہ امہ پئی نال سراب لتھے  
 جال ریت اندر دی ریت بنی  
 ان ڈٹھروں آب گلاب لتھے  
 سک سدھ دی سوہد دھنوالی گئی  
 گئے سارے پاپ ثواب لتھے  
 میں اپنے آپ ءچ کچھ بنی  
 بن سائیں اپنا خواب لتھے  
 میں اپنے آپ تے کھلہی گئی  
 میڈے اپنے نال حجاب لتھے



بہنی بگن ساگ دے جوڑے دی  
 اوھا پہلی رات وچھوڑے دی  
 (عزیز شاہد)  
 (۲)

ساکوں دس دی کھیپ چڑھے  
 مشکلی دا کوئی بھو من بھاوے  
 لوں لوں لک لے  
 گاج اگوں اینویں بکناں اپنی  
 تلی تے گابھ دھرے  
 باہروں کالی رات ڈراوے  
 اندروں بنن وچے  
 ہو لیس ہو لیس ساکوں تاں ویندی  
 وِس دی کھیپ چڑھے (اشوال)

## فتوحاتِ فریدیہ

خواجہ فرید کی فارسی تصنیف **فتوحاتِ فریدیہ** کا سرائیکی ترجمہ  
 علامہ میر حسان الحیدری چانڈیو کا ترجمہ ۵۷ صفحات کے شاہکار مقدمے کے ساتھ  
 خواجہ فرید کے سوویں عرس کے موقعہ پر  
 تصوف اور مسائلِ سلوک پر ایک روشن کتاب  
 ۱۸۲ صفحات، رنگین سرورق، عمدہ کاغذ اور طباعت، مجلد قیمت = ۹۰/ روپے  
 منی آرڈر بھیجنے یا وی پی منگوانے کے لئے لکھیں:  
 ناظم مطبوعات

سرائیکی ادبی مجلس (رجسٹرڈ) - ”جھوک سرائیکی“ - سرائیکی چوک بہاولپور

# منشی محمد انور فیروز بہاولپور

خواجہ غلام فرید کے شیدائی ”گوہر شب چراغ“ کے مصنف منشی محمد انور فیروز بہاولپور کی مشہور شخصیت جج محمد اکبر صاحب کے بڑے بھائی تھے۔ آپ کے والد جناب اللہ ڈٹہ صاحب جوڈیشل ڈیپارٹمنٹ میں ملازم تھے۔ منشی محمد انور فیروز ۱۸۷۹ء میں خیرپور ٹامیوالی میں پیدا ہوئے۔ آپ نے مڈل تک تعلیم وہیں حاصل کی اور ۱۹۰۳ء میں بغرض تعلیم بہاولپور آئے اور صادق ڈین ہائی سکول میں داخلہ لیا۔ میٹرک پاس کرنے کے بعد آپ نے کچھ عرصہ دربار اور مطبع صادق الانوار میں ملازمت کی۔ لیکن ملازمت آپ کی طبیعت کو اس نہ تھی۔ آپ کو تحصیل علم اور تصنیف و تالیف کا انتہائی ذوق و شوق تھا۔ چنانچہ آپ تحصیل علم کے لیے لاہور چلے گئے اور اسلامیہ کالج لاہور میں فور تھ ایئر تک زیر تعلیم رہے۔

آپ کی طبع شدہ تصانیف میں ”گوہر شب چراغ“ (جو آپ نے خواجہ غلام فرید کی متبرک زندگی پر رقم کی تھی) اور ”لمعات“ (جس میں آپ نے انگریزی زبان کے شاعر ورڈس ور تھ کی ایک مشہور نظم کے اقتباسات کو اردو نظم کے سانچوں میں ڈھالا ہے) قابل ذکر ہیں۔ ”گوہر شب چراغ“ کی تاریخ اشاعت ۱۶ دسمبر ۱۹۱۹ء ہے اور ”لمعات“ آپ کے زمانہ طالب علمی (۱) میں جب کہ آپ اسلامیہ کالج لاہور میں فور تھ ایئر میں تھے رفاہ عام سٹیم پریس لاہور میں طبع ہوئی۔ اس کتاب پر تاریخ طباعت ۳ مارچ ۱۹۱۵ء درج ہے۔

منشی محمد انور کی زندگی نے وفانہ کی ورنہ وہ اور کچھ نادر نسخے عوام کی استفادہ کے لیے چھوڑ جاتے۔ آپ کی چند تالیف اور تصنیف شدہ کتابیں غیر مطبوعہ حالت میں آپ کے برادر خورد منشی محمد اشرف صاحب منیجر گردیزی پریس بہاولپور کے پاس محفوظ ہیں۔ ممکن ہے منشی محمد اشرف صاحب یا ان کے صاحبزادے سعید و بشیر کسی وقت انہیں چھپوا کر عوام کو استفادہ کرنے کا موقع عطا فرمائیں۔

آپ کی ان غیر مطبوعہ کتابوں میں ”ارمغان“ حصہ اول اور دوئم حکمت پر ہیں اور ”آئینہ دار السرور بہاولپور“ مشاہیر (۲) سابق ریاست بہاولپور کا تذکرہ اگر چھپ جائیں تو بڑے کار آمد نسخے ہیں۔ بہر حال منشی محمد انور مرحوم نے اپنی مختصر زندگی میں علم و ادب کی کافی خدمت کی اور چند ایسے نقوش چھوڑ



میں ہیں جو ادب ذوق حضرات کے دلوں پر ہمیشہ ثبت رہیں گے۔ آپ کا سن وفات آپ کے بھائی محمد اشرف اور چھوٹے صاحبزادے بشیر احمد صاحب کی یادداشت کے مطابق ۱۹۲۱ء ہے صحیح تاریخ کا اندراج کسی جگہ میسر نہیں آتا۔ اب آپ کلام انور سے محفوظ ہوں۔ خواجہ فرید کے کلام باغیت نظام کے متعلق فرماتے ہیں۔

تیرا کلام ہے تفسیر درد اہل جہاں  
ہے شرح راز حقیقت ہر ایک تیرا بیاں  
شعاع مر و معانی سے ہے ترا دیواں  
ضیائے مردمک دیدہ سخن داناں  
ہمیشہ بزم میں یا رب رہے یہ ضو اس کی



دانہ خرمن ہے ہمیں قطرہ ہے دریا ہم کو  
آئے ہے جز میں نظر کل کا تماشہ ہم کو

(از گوہر شب چراغ)

خواجہ فرید کا شعر ہے :

جس تن بگڑی سوئی تن جانے  
غیر فرید نہ رمز پچھانے  
اس مضمون کو اردو میں نئے اسلوب کے ساتھ منشی محمد انور اس طرح پیش کرتے ہیں۔  
سینہ میں درد ہو تو کھلے دل جلوں کا حال  
درد آشنا کو چاہیے درد آشنا کوئی  
اب آپ ایک نظم کے اشعار سے لطف اندوز ہوں۔

کسی نے پوچھا یہ انور سے از رہ تحقیر  
ہوں سے پیار ہے کس غرض و مدعا کے لیے  
مٹا ہوا ہے کسی شکل دلفریب پہ تو  
کسی پہ مرتا ہے تو غمزہ و ادا کے لیے  
کسی کی شیریں بیانی کی داد دیتا ہے  
کسی کی مدح سرائی ہے دست و پا کے لیے  
پسند خاطر انور کبھی ہے خوش خوئی

کبھی فریفتہ ہے چشم پر حیا کے لیے  
 کبھی ہے یاس میں دیکھو تو جان سے ہیزار  
 دراز دست ہیں تیرے کبھی شفا کے لیے  
 نہ جانے کون سی لذت ہے اس محبت میں  
 کہ جان و دل سے ہے قربان اس بلا کے لیے  
 جو جان دینی ہی منظور ہے تجھے ناداں  
 تو کیا ضرور ہے مرنا ہی دلربا کے لیے  
 وہ زہد خشک جو پہلے تھا کیا ہوا حضرت  
 کہ بے کلی ہے حسینانِ پُر جفا کے لیے  
 کبھی کسی سے ہے الفت کبھی کسی سے پیار  
 ذرا تو کیجئے انصاف کچھ خدا کے لیے  
 کہا یہ میں نے کہ سب کچھ جا تو ہے لیکن  
 وہ ابتدا کے لیے تھا یہ انتہا کے لیے



### لمعات

(ورڈس ورتھ کی انگریزی نظم کا منظوم ترجمہ جس میں بتلایا گیا ہے کہ)

”چمن خبر رساں ہے بقائے دوام کا“

وہ دن بھی تھے کہ مجھ کو میسر سرور تھا  
 میں شاہد تجلی رب غفور تھا  
 پیدا ہر ایک غنچہ و گل سے تھا نور حق  
 ہر ہستی دلی میں نمایاں ظہور تھا  
 ہر شے برنگ خواب تھی رونق لیے ہوئے  
 دل مجھ دید جلوہ صد رشک طور تھا  
 زیب جہاں تھے گلشن و باغ و بہار و جو  
 سامانِ دلفریبی مہیا ضرور تھا



لیکن ہزار حیف کہ چوں من جواں شدم  
بینم نہ آں شکوہ جائے کہ میروم



قوس فلک تو اب بھی ہے جلوہ نما وہی  
خورشید و ماہتاب بھی ہیں پُر ضیا وہی  
سیمیں سطح ہے آب کی عکس قمر سے نت  
اور رنگ و بو بھی پھولوں کی ہے دلکشا وہی  
بدلی اگر تو ایک طبیعت بدل گئی  
جوں جوں بڑھا میں چشم بصیرت بدل گئی



خوش کن صدائے طوطی ہے کانوں میں آرہی  
بلبل بھی شاخ پہ ہے ملہار گا رہی  
نغمہ سرا ہیں وادیِ ایمن میں آبشار  
ہے موج آب طظنہ پیہم سنا رہی  
آثارِ خرمی ہیں ہویدا چار سُو  
بزمِ جہاں ہے نقشہ جنت دکھا رہی  
سوز دروں سے اپنا ہے ہر دم مگر یہ حال  
جاں مضطرب بصورتِ قبلہ نما رہی  
بے چین اس قدر نہ ہو ہاں اے دلِ خراب  
آشفگی ہے یہ غم دنیا بڑھا رہی  
مرغانِ نغمہ خنج کا جا ہموا ہو تو  
آزاد قید فکر سے صبح و مسا ہو تو

باطن کدورتوں سے جو اس دم صفا ہوا  
سر بستہ راز خلق کا عقدہ بھی وا ہوا

آئی سمجھ میں بات گل و برگ و بار کی  
 ہر فرد بے زباں سے میں آشنا ہوا  
 چرخ بریں بھی شامل حال جہاں ہے اب  
 معدوم اب زمانے سے نقشِ جفا ہوا  
 بچے ہیں گل بداماں سرور و خوشی میں مست  
 خندہ ہے بات بات میں ان کی ملا ہوا  
 شاداں ہوں میں بھی دیکھ کے اس انجمن کا رنگ  
 اک جوش شادمانی ہے دل میں بھرا ہوا  
 اللہ نہ روز بد وہ دکھائے مجھے کبھی  
 دل شاد ہمیشہ ہوں، میں ہوں دکھا ہوا

یارائے ضبط آہ نہیں حوصلہ نہیں  
 ہے رفتگاں کی یاد کا چرکا لگا ہوا  
 رونا ہے یہ کہ ایک بھی پہلی سی شے نہیں  
 جام جہاں نما بھی ہے اوندھا پڑا ہوا  
 باقی رہیں نہ صرف وہ اگلی نشانیاں  
 باغ جہاں ہے سارا ہی ویراں پڑا ہوا  
 صد برگ و لالہ ہم بہ نگاہ ہم فتادہ اند  
 بچ آگئی زالِ رم اول ندادہ اند  
 دنیا میں آئے ایسے کہ آتے ہی سو گئے  
 مستی چڑھی کچھ ایسی کہ مدہوش ہو گئے  
 ہم کون تھے کہاں تھے یہ سب کچھ بھلا دیا  
 غفلت کو دیکھ سرد فرشتے بھی ہو گئے  
 حب وطن رہی نہ رہا گھر کا کچھ دھیاں  
 نسیاں کا نام گویا ولادت ہوا یہاں



دنیا نے سبز باغ دکھا کر لبھا لیا  
 جھانسا دیا کچھ ایسا کہ اپنا بنا لیا  
 خواہش میں بھی الگ ہے تمنا میں بھی جدا  
 خاکہ ارم کا اس نے مگر کچھ اڑا لیا  
 سامان راحتوں کا جو دیکھا ادھر ادھر  
 محو اس قدر ہوئے کہ نہ نام خدا کا لیا  
 اچھی سی کوئی یاں پہ جو صورت نظر پڑی  
 قربان ہو کے سینے سے اس کو لگا لیا  
 افشا ہوا یہ اب کہ تماشے کی جا ہے یہ  
 پھندا سا ایک چرخ کے نیچے لگا ہے یہ  
 (محمد انور بہاولپوری) - ماخوذ از لمعات

### حواشی

(۱) - منشی محمد انور فیروز صاحب نے ۱۹۰۷ء میں صادق ایجرٹن کالج بہاولپور کے طالب علم تھے۔ منشی صاحب موصوف نے نواب محمد بہاول خان خامس عباسی کی وفات کا ایک 'نوحہ' لکھا جو ۲۴ اشعار کا ہے اس نوحہ کا آخری شعر یہ ہے:

غم میں انور کے نکالی یہ ہی اب تاریخ ہے  
 'داغِ مرگِ ناگمانی دے گیا سردار آہ' (۱۹۰۷ء)

(۲) منشی محمد انور فیروز صاحب نے اپنی زندگی میں ایک کتاب لکھی جس کا نام 'آئینہ دار السرور بہاولپور' رکھا۔ ان کی وفات کے بعد ان کے بیٹے نے یہ کتاب طبع کرا کر شائع کی۔

(۳) قطعہ تاریخ وفات

نوجوان منشی فاضل وہ عطا و پیکر  
 زہر ماتم کے لیے یزیم عزائیں اتری  
 پنج شنبہ کے مؤکل نے بہ فریاد و فغاں  
 شیخ کو درد سے تاریخ سنا دو سرور  
 مر گیا آہ و اسیر کے صدے سہہ کر  
 چرخ سرگشتہ ہوا چاک گریباں ہو کر  
 التجا کی کہ لکھوں سال وصالِ دلبر  
 'سیر جنت کو گیا یار محمد انور' (۱۳۴۰ھ)

نوٹ شیخ سے مراد مولوی شیخ محمد صاحب ہیں جو خالد ہاشمی صاحب معروف گلوکار کے والد تھے جن کے کہنے پر ایک شاعر سردار صاحب نے قطعہ لکھا۔ ۱۵ دسمبر ۱۹۲۱ء کو پنج شنبہ (جمعرات) کا دن تھا۔ ہجری تاریخ ۱۲ ربیع الثانی ۱۳۴۰ھ تک۔ تیسرے شعر میں پنج شنبہ کا ذکر آیا ہے۔ (حواشی از محمد حسن میرانی مورخہ ۱۹۹۹-۷-۱)

## پلھانا

(سرائیکی لوک شاعری دی ہک گچھڑی صنف)

سرائیکی لوک ادب دی تاریخ اتنی پرانی ہے جتنا سرائیکی زبان۔ لوک ادب وچ نثر اتے نظم دے وڈے خزانے موجود ان۔ جیویں جو نثر وچ لوک قصیں اتے اکھا نیٹ دا بہوں وڈا سرمایہ ہے ایویں نظم وچ لوک شاعری دیاں کئی صفحاں اج وی مقبول ان جنہاں وچوں ڈھولا، ماہیا، چھلا، جگڑو، سکی، سرے، لولی سارے سرائیکی وسیب وچ دلچسپی نال سنیے اتے آکھیں ویندن۔ نظم وچ کئی صفحاں بھلا ڈتیاں گن جیویں جو گانمن اتے مورن وغیرہ ہن۔ لیکن ہک صنف اٹھی ہے جیرہی اج تیں گچھی اے۔ نہ ایند اذکر لوک گیتیں دی کہیں کتاب اج ہے اتے نہ ایم اے سرائیکی دے نویں یا پرانے نصاب وچ۔ محبتیں، نیک خواہشیں اتے دعائیں تے مشتمل اے صنف ”پلھانا“ ہے۔ پلھانا اٹھا لفظ اے جیرہا ظامی یا کلا نچوی صاحب دی لغت وچ نہیں ملدا۔ ایس لفظ دا معنی ہک لفظ وچ ایویں نیں ڈسیا ونج سبگد اجیویں ”لولی“ یا ”سرے“ دا۔ ہا البتہ ایندی وضاحت کیتی ونج سبگدی اے جو: ”پلھانا ہک اٹھا گیت اے جیرہے وچ ما اپنے بال (پتیا دھی) کوں چنگی قسمت نصیب دی اتے بھاگ سہاگ مانن دی دعا ڈیندی اے“ پلھانا صرف ما اپنے بال (پتیا دھی) کوں ڈیندی اے ایندے نال بھین بھرا یا پوپتہ راکھی تعلق نیں آندا۔ پلھانے کوں پلوتے (بد دعا) دے متضاد وی سمجھیا ویندے لیکن آپنی جہت اج پلوتے کنیں مختلف ہے۔ پلوتے والی کاراے ہک ڈو لفظیں وچ نیں ہوندا۔ بلکہ ڈھیر مصرعیں وچ ہوندے۔ اتے ایندے وچ قافیے اتے کافی حد تیں وزن دی پابندی، شعر والی چس ڈیندی اے۔ پلھانا ڈیون ویلے ماہال کوں جھولی وچ پئی بیٹھی ہوندی اے یا ہال کوں وند لاوٹن یا کھڈالنے ویلے ڈیندی اے پلھانا ہک خاص لئے یا سُر وچ ماء ہال کوں ڈیندی اے۔ ہال دی عمر اٹھی ہوندی اے جو اوایکوں سندھ، مسکھ اتے خوش تھیدارہ ویندے۔ اتے ما کوں ول ول آکھن دی فرمائش کریند ارہ ویندے۔ ایندے وچ مزاح دا ہلکا جیہاں رنگ وی ہوندے۔ جیرہا پلھانے وچ تاں جس پیدا کریندے۔ ہک پلھانا ڈیکھو:



پتر پتر نلگن  
 پتر سونے دے کنگن  
 پتر مند ریاں دے تھیوے  
 پتریں جھے میوے  
 اللہ ہر کہیں کوں ڈیوے  
 پتریں جھیں کھنڈ  
 اللہ ہر کہیں ساں ونڈ  
 پتریں جھیاں و تھوں  
 اسال ہاں برابر رکھوں

پھانے سن تے کہیں ویلے ایویں بگدے جیویں ”لولی“ یا ”سہرا“ ہووے۔ لیکن اے لولی یا سرے کہیں انج صنف اے۔ لولی مایاں کوں اوں ویلے ڈیندی اے جیر ہلے بال کوں سمھائنا ہووے۔ پھانے وچ لولی دے خاص لفظ ”لولی الو“ تے لا الہ الا اللہ کلمہ نہ ہووے دے علاوہ ”لے“ دا فرق وی ہوندے۔ اتے ایویں سرے صرف شادی اتے پر نہیں دے خاص موقعے تے آکھے ویندن۔ اتے اے مادے علاوہ ہاں سکیاں سوڑیاں وی آہدن۔ لیکن پھانا صرف ماء ڈیندی اے اتے ایند او پھایا موقع او ہوندے جیر ہا پہلے ڈیا گئے۔

پھانا ہک مختصر جیہاں مگر مکمل گیت ہوندے۔ جیر ہا ماول ول ہک خاص لے وچ اہدی راہندی اے۔ اتے بال دلچسپی نال سندھار اہندے۔ پھانا ہک خاص انداز اچ شروع کیتا ویندے جیدے نال بال ماکڑو متوجہ تھی ویندے اتے پھانے کوں سندے۔ اکثر پھانے آمیدایا آمیدای دے الفاظ نال شروع تھیندن یا بعض اوقات ہک لفظ ترے واری آکھیا ویندے۔ انہیں لفظیں وچ پیار تے محبت دا جذبہ بگھا ہوندے۔ پھانا چونکہ صرف ہک ما آٹے پال کوں نہیں ڈیندی بلکہ ساریاں میریں آپنے پال کوں ڈیندن (اتے اے گیت دی باقی لوک گیتیں وانگوں سینہ بہ سینہ ٹردن) ات واسطے ہر ما لفظ میڈے پتر یا میڈی دھی دی جاہ تے آٹے پتر یا اپنی دھی داناں گھدی اے۔ پھانے تے جیکر غور کرےجے تاں موضوع دے اتار نال کئی رنگ نظر دن۔ کچھ رنگ ملاحظہ فرماؤ۔

پال کوں پھانا ڈیندیں ویلے مادا دل آٹے پیکیں آ لے پاسے ڈھیر چھکیندے۔ اتے او انہیں دا ذکر نہیں لفظیں نال کریندی اے۔ اتے آٹے گھر والے یا پال دے پیو دے سکھیں نال کئی خاص محبت یا

پسندیدگی دا اظہار نہیں کریندی۔ اتے فطری طور تے ایس جذبے کوں آپنے پال وچ منتقل کریندی پئی  
ہوندی اے۔ ایس پلھانے وچ ایند اظہار ڈیکھو۔

آمیڈا گل گاشا

میڈیاں صا جزادیاں ماسیاں

میڈیاں ویڑھے بوڑنیاں پھپھیاں

میڈے کاج اتے رٹھیاں

میڈے ابے منجھیں ڈے منائیاں

کچھے سرے گنڈیاں آئیاں

ماء دے دل وچ اے خواہش وی ہوندی اے جو بال دا تعلق وی آپنے نانیں مائیں نال جڑے تان  
جوما دا تعلق ایس حوالے آئیں پیکیں نال تان مضبوط تھیوے۔ او آپنے ایس جذبے دا اظہار کجھ ایس رنگ  
وچ کریندی اے :

دنگد ادنگد ادنگد

پتر دھی مامے دی منگدا

ماما تاں نی ڈیندا

چاچا ہے زور کریندا

چاچے دی دھی اے کالی

پتر کنڈ پچھوں سمھالی

مامے دی دھی اے چٹی

پتر بانہ سراندی ڈتی

مامے دی دھی اے گوری

پتر وڈھیاں ڈیوے چوری

جیویں پہلے ڈسیا گئے جو پلھانا ماکتر کوں وی ڈیندی اے اتے دھی کوں وی۔ دھی کوں ڈتے و نجن  
والے پلھانے وچ اوندے سانگے محبتاں، نیک خواہشاں اتے دعائیں ہوں جذبے نال ہوندن جیرھے نال  
پتر سانگے۔ اتے نیانی ڈا احترام وی ہوندے۔ البتہ دھی کوں ڈتا و نجن والا پلھانا ترسمتاویں رنگ اج ایس  
رنگیج ویندے جو او پتر والے پلھانے کوں انج تھی ویندے۔ مثال دے طور تے اے پلھانا ڈیکھو :



آمیڈی مول لی لی  
میڈی ستن منجھ کشیدی  
میڈا چو لڑا ہے پٹ سیتا  
میڈا گلا کہیں نہ کیئا

پراٹنے سرانیکی وسیب وچ بادشاہ دی عظمت دا تصور پہوں اہمیت رکھیندے۔ اوں دور دیاں روایات لوک قصیں دے ذریعے سارے وسیب وچ کھنڈیاں ہوئیاں ہن چونکہ پلھاناوی ہک پرانی صنف اے ات واسطے پلھانے وچ اے رنگ محسوس تھیندے۔ ایس پلھانے وچ مادی طرفوں پتر سانگے کچھ ہیں تم دے جذبات دا اظہار نظر دے۔

آوے آوے آوے

تیڈی تال دھم دروازیں نہ ماوے  
درلما او دربانی

لنگھن ہوت، ڈے سلامی!

در دروازیں دا سوڑا

میڈے پتر دا لشکر گورا

در دروازیں کوں چھجے

پتر وچ کچار ہمیں گے

در دروازیں کوں میخاں

پتر کوں وچ کچار ہی ڈیکھاں

پتر دے لائوئیں لہن اتے گھر وساؤن دی خواہش ہر ما کوں ہندی اے۔ شیت ایہا وجہ اے اہاں پال بانہڑے ڈیندا یا مسیں ٹردا ہوندے تاں ما انہیں جذبات دا اظہار کرتے جتھاں بال کوں کھڈ لہدی اے اتھاں آپنا دل وی وند لیدی پٹھی ہندی اے۔ خواہش دا اظہار پلھانے دے رنگ اچ ڈیکھو:

آمیڈا اگڑ بگیا

میڈی جوئے پیکڑیں رُس گئی آ

سا کوں اچ مناوئی پئی آ

منیسی کیر ہاشیر  
لکھی سورہاتے ننڈھڑاڈیر

منیسی تیڈا ابا

جید الکھ روپیا ہگا

ہنیں جذبات دا اظہار کجھ ایس پلھانے وچ وی ملدے :

صدقہ صدق

مگیدی ڈیکھ تے ویندی لگ

وٹا مار تے ویندی درک

صدقہ سدا یاں

پتریں دیاں لکھ دھریوں دایاں

کنیں بھینٹ کنیں بھر چایاں

سرائیکی وسیب وچ کہیں وی وجہ کنوں ہمیشاں غربت اتے بچھ رہ گئے اے ایندے باوجود ما آٹے  
پتریں سانگے چنگی خوراک دی خواہش کیتی اے ایس پلھانے وچ مادی ایس خواہش دا اظہار ملدے :

آوے پتر ابا لھا

پتر کوں درگڑ ڈیواں پالھا

پیہے درگڑ تروڑ

پہہ گھیو وچ یوڑ

جتھاں ما آٹے غربت دے باوجود پتر سانگے چنگی خوراک دی خواہش کریندی اے اتھاں پتر کنیں  
اے امید وی رکھیندی اے جو پتر وڈا تھی تے کھٹ کما او سی اتے ما سکھ دی حیاتی گذریسی ۔ ما اوں چنگے  
ویلے دی تانگھ انج ہوندی اے اتے پتر کوں پیہہ اہدی اے :

ٹھری ٹھری ٹھری

پتریں کھٹ کلاوٹی بھری

ما کھندی اے میوے بگری

ٹھری تاں ٹھرم جا

ٹھری پتریں دی ما



ماء دھی دے نال محبت کنوں کئی وی انکار نہیں کر سچھا لیکن اے محبت اونچے ویلے تاں ودھ  
 ویدی اے جیر ہلے ڈھیر پتر اتے کھی دھی ہووے۔ کھی دھی واسطے مادی محبت دا اظہار ایس پلھانے وچ  
 صاف ڈسدے :

آمیڈی بھاگ سدھی  
 تیڈی جھلہ بھر انویں ردھی  
 جاہ ڈیو وے بھر اوو  
 بھاگ بھری نال ساو  
 مادی نال پیار اتے اوندے چنگیں مستقبل اتے بھاگ سہاگ دی سک انہیں پلھانیں وچ صاف ہے :

آمیڈی بانوٹی  
 تیڈی گندل جیڈی چوٹی  
 تیڈا منارے جیڈا نک  
 تیڈی نتھ کھڑی پڑگھت  
 پچھ چھی تے موتی ان ست  
 تیڈا شریکیں اتے ہتھ

توہیں جو دھی کوں ڈتے و نجن آ لے پلھانیں وچ مادی دھی نال محبت صاف ہے لیکن دھی کوں  
 ڈتے و نجن والے پلھانیں دی تعداد پتریں کوں ڈتے و نجن والے پلھانیں کنوں گھٹ اے۔ پلھانیں وچ  
 جتھاں دھیریں سانگے چنگیں بھاگ سہاگ دی خواہش ہوندی اے اتھاں پتریں سانگے علم حاصل کرن  
 دی خواہش وی ملدی اے۔ اے پلھانا ڈیکھو :

پتر آیا ہے وچ وچ  
 قرآن کتاباں کچھ وچ  
 ۔۔۔ رحل پارکیں والا ہتھ وچ  
 پڑھی اندے سنگتیں دی ستھ وچ

اتلے پلھانے کوں پڑھ تے جتھاں علم دی اہمیت واضح تھیدی اے اتھاں مادی دے مذہب نال لگاؤ  
 دے سچے جذبے دا ثبوت ملدے۔ اتے او ایسورنگ آپنے پتر تے چاڑھن چاہندی اے۔ ایس پلھانے وچ  
 اے گلہ تاں کھل ویندی اے۔

ہات ہات ہات

پتریں کوں تریں گاہیں دی تات

ہتھ وچ تسبیح دے، کلمہ ہے وات

پتریں اتے دھیریں دے حوالے نال کچھ پلھانے بے وی ملدن جنہیں دے وچ پال سا نگے ماء  
دیاں نیک خواہشاں ظاہر ہن۔ ہر پلھانے دی آہنی چس ہے اتے ماء دی محبت دا اظہار ہک من بھانوٹے  
انداز وچ ہے۔ ڈو پلھانے دھی سا نگے ہن اتے بے پتریں سا نگے ہن دھی سا نگے پلھانے ڈیکھو:

☆ صدقہ دے ماء ویندی

سر سوہیں نال کجیدی

ہتھ میندی نال رنجیدی

☆ موٹلی لی نہ رنی کرے

پارھاں ہتھ چنی کرے

چے جیڈی جتی کرے

ٹھم ٹھم ٹری کرے

☆ بسم اللہ ہی بس

پتر ہر دم کھڑن ڈس

بسم اللہ دے ویلے

پتر اٹھن روز سویلے

بسم اللہ کر آکھاں

پتر مانن رتاں ساکھاں

بسم اللہ ہیں کتی

پتر ستیں شہریں جتی

☆ آتوں میڈا ہوت

ساڈی اللہ وئی اے جھوک

ساڈی خاوند لئی اے روت

☆ صدقہ دے تاں سے واریں



دھوپ دی دھو آوے سئے وار میں

دھوپ دی دال اے بھارا

میڈا پاؤں والا ہزارا

☆ لتی لتی لتی

پتیں کوں دانہ لگے تتی

نہ لگے تاجھولا

پترا پئی اماں داوندولا

پھانٹے کوں پڑھتے اے احساس تھیدے جو ماء دے دل وچ اپنے بال (پتر یادھی) دی خاطر کے  
جتلا محبتاں، نیک خواہشاں اتے پاک جذبے موجود ہوندن۔ اتے او انہیں دا اظہار کیویں من موہنے  
اتے دل کوں چھکن آ لے جذبے اچ کریندی اے۔ اوندے لفظ لفظ کنیں پال سا لگے اوندی محبت و تھیدی  
پئی ہوندی اے۔ تے جیرھے ویلے خاص لے دے وچ پال کوں پھانٹا ڈیندی پئی ہوندی اے تاں سارا  
ماحول احترام آواں ڈو متوجہ ہوندے کاغذ تے لکھیا ہوا پھانٹا تو نہیں جو ماء دے وا توں نکلدے ہوئے پھانٹے  
دے مٹ نہیں ول وی ایندے وچ موجود محبت اتے خلوص دا جذبہ پڑھن آ لے کوں آپ دو چھک  
گھدے۔

اچ دے تیزی اتے ترقی دے دور اچ تو نہیں جو پھانے مکدے یا بھلدے ویندن لیکن بہوں  
ساریں میریں دے دل وچ آ پئے ”وڈیریں“ کوں سنے ہوئے پھانٹے اچاں وی محفوظ ان۔ اتے او آ پئے  
پالیں کوں ڈیندین۔ پھانٹے دی ٹھیٹھ اتے خالص زبان اوندی قدامت دا ثبوت اے۔ پھانٹا ساڈے ماضی  
دیں خوبصورت روایتیں دا امین اے۔ محبتیں اتے پاک جذبیں دے اے گیت تو نہیں جو اچاں تیں کتابیں  
دی شکل اچ کائے نی، لیکن انہیں کوں ماء دے سینے وچوں کئی نہیں کڈھ سکدا۔ جے تو نہیں ماء دی محبت  
زندہ ہے اے گیت ہر ماء دے وا توں کہیں نہ کہیں رنگ اچ سٹیدے راہن۔

## صادق نامہ

مدگیڈ سیر سید نذیر علی شاہ مرحوم کی معرکہ ملا راء انگریزی تصنیف کا اردو ترجمہ

نظریہ ثانی و اضافہ: عثمان شاہ

مترجم: صلاحی طاہر

سابق ریاست بہاولپور کی تاریخ کے گم شدہ اوراق - والیان ریاست کے افسانہ ہائے زندگی

سرانیکا ایسی مجلس کا دوسرا ایڈیشن اضافوں کے ساتھ ۱۵۲ صفحات، رنگین سرورق، مجلا قیمت = ۷۵/ روپے

## میں دانشور بن سگھداں ؟

دانشوری کوئی سیرے مانے دی خیرات کا نئی جو میگوں جنہیل ء جگھت ڈتی ونجے، تے نہ تعویذ یا پھل دھاگے پاؤنٹ نال آندی ہے، تے نہ وت دم درود تے جنتر منتر نال آسی، بھل اینکوں کماؤنا پوندے، ایندے واسطے جیڑھیاں ضرور تاں تے صلاحیتاں دی لوڑ ہے اونہ جان میڈ پے اندر ہن یا کا بنا۔ جیویں جو بندے واسطے ایہ ضروری ہے جو او گالھیں دا بگھوڑ ہووے، ہکی گالھ تے اڑیار ہووے تے اونکوں چھک تان تے آپنے مطلب ڈو پھیر ڈیوے، آپنی ٹٹ تے اڑیار ہووے تے ڈو جھے دی اصلوں نہ منے۔ جتنا ضدل تے تنھل ہو سی اتنا پکا دانشور جسی۔ بعضے ویلے ایسا خولی نہ وی ہووے تاں دکان چکاوٹ دا کوئی بیار ستا کڈھیا ونج سگھدے۔ مثلاً ایہ جو چوں یاراں بیلیاں کوں ٹکر پانی کھواپلو اسگھدے، ٹکا بھلا سگھدے، تاں وی کم چل پوندے، کیونجو ہن اونکوں بولن دی لوڑ کا نئی پر ہن اوہے ٹکڑیل یار نمک حلائی کرین تے اوندی دانشوری دی چفیر دھم پے ویسی۔

ہک ہیا ڈھب وی ہے، جیا! جیکر پیسہ بندے دے پلے ہے، تے سیت سولی ہے تاں کتاباں گھن گھن تے کٹھیاں کیتی آوے، بیشک پڑھ نہ سگھد اہو وے یا انہاں توں فائدہ نہ چا سگھد اہو وے، پر انہاں کوں لکا سانجھ تے ضرور رکھے، تاں جو لوڑ ویلے کہیں غرضاء کوں بلیک میل کینا ونجے تے اوں کنوں آپنی دانشوری منوائی ونجے۔ نال نال آوٹ و نجن والے مہمان پر انھیں تے آپنی علمیت تے فضیلت دا روپ وی سٹیا ونجے تاں جو اووی منوں تھی و نجن۔

اچھا ایندے واسطے ایہ ضروری کا نئی جو بندہ کریندا کیا ہے پیشہ پردی کوئی قید کا نئی بندہ کجھ وی کریندا ہووے، کہیں سرکاری دفتر وچ نوکر ہووے، رٹھ واہی کریندا ہووے، استاد ہے تے بھانویں شاگرد، دکاندار ہے یا ڈاکدار، تے بھانویں شرمیلے دی کہیں گلی اچ چھو لے وچیندے، اودا دانشور تھی سگھدے، پر شرط اے جو اوندا کہیں نہ کہیں ٹولی (گروپ) نال تعلق ضرور ہووے۔ جیکر کہیں جاہ یا محفل پیٹھک اچ اوندا نال گھن والا موجود ہے تاں وت او زندہ باد ہے کچھے اوندا ریڈیو تے کنٹریکٹ وی ہو سی تے ٹی وی تے الاسمیت فوٹو وی نظر سی۔ جیکر اینویں نہیں تاں وت جتنا وڈا دانشور ہے گھر بیٹھا کھیاں مارے اوندی گالھ کوئی نہ چھسی۔

ریٹھی خولی سیں! ایہ دانشوری نری پری ڈو جھیاں دی بھلائی چنگائی واسطے ہوندی ہے۔ بالکل سیاست والی



کار، جیویں سیاست دان عوام دی خدمت دے جذبے عچ بڈھے دے ہوندن تے مسائل دے سمندر عچ لُجی ماری راہندن تے صرف ووٹاں والے ڈیہاں جذبے کوں چوکھا کرٹا واسطے باہر نکھندن۔ اینویں دانشوری خدمت خلق کریندن، نہ تاں آپ ایہ دانشور اندروں کامل تے مکمل ہوندن اتے انہاں کوں کوئی سدھ پدھ دی لوڑ نہیں ہندی (کچھ لوک انہاں کوں جماندرو دانشوری آہندن)۔ سارا سارا ڈیہاں ایہ لوک ”انسانی حقوق“ دیاں چالھیں کریندن۔ جگ جہاں دیاں قوماں تے تھیوٹن آلے ظلم تے ڈیہپ دے خلاف احتجاج کریندن۔ جے کڈاہیں کوئی آہروں یاہروں تھیوٹا تھی پووے یا کہیں سڑک بٹے کہیں کوں دھک پھٹ لگ پووے تاں اینویں منہ بے پاسے پھیرتے تھکے قدماں نال لگھندن، جیویں کوئی حرام موئے زناوردی ہووے۔ وس ویسب دے ڈکھ درد نال انہاں داہاں ڈکھ دے، اتے اپنیاں لکھتاں، نظم تے نثر وچ ایندا اپنٹا پٹن، وت جڈاں انہاں دی دھانہ فریاد حکمراناں تئیں جھدی ہے، تاں او انہاں کوں سڈ تے ”قرب خاص“ تے ”خلعت فاخرہ“ نال نواز ڈیندن۔ ول ایہے لوک انہاں حکمراناں دے حق وچ دلیلاں ڈیندن تے اپنیاں وسییاں دی جہالت، نااہلی تے مستی السستی دے روٹنے روندن۔ اپنے ویسب عچ ترمیت تے تھیوٹن والے ظلم تے جبر انہاں دے خاص موضوع ہوندن، اتے اپنیاں تحریراں تقریراں وچ گج وچ تے ایس ظلم دے خلاف آواز چیندن، تے ایس ظلم کوں روکٹ واسطے دھاڑ پٹ گھنن۔ پر جیہڈاہیں انہاں دی آپنی ڈھی بھین آٹے حقوق دی گالھ چا کرے تاں اونکوں کفر دے برابر سمجھیا دیندے، تے اوں مرتد کوں قتل کرن واسطے کاتیاں کھاڑیاں کلا گھندن۔ اوں دیلے انہاں دی ساری دانشوری، روشن خیالی انہاں دے بچے وچوں نکل چکی ہندی ہے تے کورے دے کورے کودن نظر آندن۔

دانشوراں داہک ہیا طبقہ وی ہے۔ جنہاں عچ آتلیاں ڈسیاں ہوئیاں خوبیاں عچوں کوئی نہیں ہندی تاں او ہک دھڑے طریقے نال دانشوری دے خواب ڈیکھندن۔ انہاں عچ زیادہ گٹری چڑھدی جوانی آلے نیگراں دی ہے۔ ایہ شودے کھوہاں وستیاں عچوں پڑھن سکھن دی خاطر شہراں عچ آندن تے اتھاں سرکاری دانشوراں دے ہتھیں چڑھ ویندن۔ وچارے انہاں دے گوڈے گئے پکڑیندن تے گھر دے سڈ سوال کنوں لاتے سرکاری کم کار تئیں بھج تے کریندن، پر او ظالم انہاں دے مستقبل نال کھیڈن دا مکروہ دھندا کریندے رہندن، ایہ توہیں جو انہاں شودیاں دانہ کیریر ہنڈے تے نہ اودا نشور بن سگھندن، تے نہ وت او پچھوں تے منہ کرٹن جو گے راہندن۔

جیکر میں آ۔ پنے گروان عچ جھاتی پانواں تاں میکوں کوئی ہک گن وی سمجھان نہیں نظر دا۔ کیونجہ تاں میں کہیں کوں لکا بلہا سگھداں، نہ میڈے پلے پیسہ پا جو میں لا بیری ہٹا سگھوں۔ کوئی دانشوری میڈا سکا سوہرا کاسنی، کہیں دے گوڈے گئے میڈے کنوں نہیں پکڑیندے۔ کہیں ٹولے نال وی میڈا تعلق کاسنی، ول بھلا تاں آپ سوچو جو میں دانشور بن سگھداں ؟.....

## نندر

اج تر تھی رات ہی زہرہ کوں جاگدیں ہوئیں۔ تاکی وچوں پیلا ادھورا چندر گھلاں کھاندانظر دا  
پیلا۔ ٹھڈیاں ہو اواں جیر دھیا ٹاہلیاں نال کھسکار کریندیاں پیاں ہن۔ ہن چپ کر گیاں ہن۔ ٹٹہر  
جیر دھافضوچ کوئی درد یلا ڈوبہڑا دواگاندہا پتہ نہیں کتھاں چلا گیا ہا۔ ہن تاں بڈیاں وی پولیدیاں پولیدیاں  
تھک گیاں ہن۔ ہر شے سم پئی ہئی۔ اسمان وی تے زمین وی۔

زہرہ جاگدی پئی ہئی۔ لحظے کھن کیتے اوندیاں پپلیاں ہک بے نال رل ویندیاں۔ پرول وی او  
جاگدی پئی ہوندی ہئی۔ وڈی ظلمن ہئی اوندی ممتا۔ اوکوں ذری جہی گھل وی نہ کھاوٹ ڈیندی۔ او ول  
ول نکلے سعود دے متھے تے ہتھ رکھدی۔ بخار لتھا۔؟ ساہ ٹھیک آندا پئے؟ ممتا اوندے توں پچھدی  
تے اوکوں ول ول مسعود کوں ہتھ لاتے جواب ڈیونا پوندا۔ ایویں اج تر تھی رات وی لنگھ گئی۔ سویرے  
اوں ٹھڈے پانی نال ناشتہ کیتا تے سعود کوں چاتے ہمسائی نبیلہ کول چلی گئی۔

”نبیلہ۔ میڈی پیاری بھین۔ بس اج دے ڈینہہ اینکوں آٹے کول رکھ گھن۔ تیکوں ڈیساہم  
تا، سرکاری ہسپتال وچ کوئی بیڈ خالی نہ ہا۔ اج شام کوں میکوں تنخواہ مل ویسی۔ ایکوں چنگے جے ہسپتال وچ  
داخل کر اڈیاں۔ ول حیڈاکم ختم تھی ویسی۔

”ہماربال کوں سنبھالٹ اسان کم کائینی۔ خیر رکھ گھدی ہاں۔ پر جلدی آونجیٹ۔“  
زہرہ شکریہ آہدی چلی گئی۔

دفتر وچ اوندے سارے کو لیکز کم وچ مصروف ہن۔ شعبہ ای امجھا ہا۔ کیس دی ذرہ جہی غفلت  
نال کافی نقصان تھی بھگدا ہا۔ زہرہ وی آٹے کمپیوٹر دے اگوں پہنہ گئی۔ اے دفتری کم اوندی شخصیت نال  
ذرہ نہ رلدا ہا۔ اوہ نرم نرم جذبیات تے سوہنیٹس وٹھن لفظاں دا بنجوک کرٹ والی شاعرہ ہئی۔

اوندیاں نظماں ہر معیاری رسالے وچ چھپدیاں تے بہوں پسند کیتیاں ویندیاں ہن۔ خاوند دے  
قوت تھی و نجن دے بعد اوہ کلمی راہندی ہئی۔ وچھوڑے تے کھپے دے ڈکھ نیں اوندے ہک ہک حرف  
کوں محبت دے مفہوم دے نویں رنگ ڈتے ہن۔ اوندا ادبی حلقیاں وچ ہک مقام ہا۔ تے دفتر والے وی



اوندی بہوں عزت کریندے ہن۔

اب ترے راتاں جاگن دے بعد نہ تاں شاعری دے لفظ اوندے فیڑے پے آندے ہن تے نہ  
کپڑ دی زبان اوندی سمجھ وچ پئی آندی ہئی۔ اودماغ تے بہوں زور ہڈے تے کم کریندی پئی ہئی۔  
اوندیاں پپلیاں ولالاتلے نو دیاں۔ مندر ہوا دے جھولے دی کار اوندیاں پپلیاں کوں چمدی تے او ولا  
دلا سر چھنڈک بڑیندی۔ اب تر تھھا ڈہنہ ہا اوں صرف چاہ پیتی ہئی۔ مہینے دے چھیکڑی ڈہنہ ہن۔ پتر دیاں  
دوائیں گھن دے بعد او صرف چاہ ای پئی سہجی ہئی۔ تے ہن تاں او کوں ایویں گلد ابا جو ہک کپ وی چاہ پئی  
گھدی تاں چھنڈ آویسی۔

جیکر میں ریچ بیک وچ ہک ادھ گھنٹہ وی سم پوواں تاں فریش تھی ویساں تے شام تئیں سارا کم  
ارام نال کر گھنساں۔ اے خیال شعاع بن کے اوندیاں اکھیں وچ لٹکیا۔  
دفتر دے پچھوں ہک پلازہ ہا۔ اوند ا کلاس فیلور ریحان پبلشر ہاتے اوند اتھاں دفتر ہا۔ دفتر دے نال ای ہک  
وڈا کمرہ ہا۔ چیدے وچ بہوں ساریاں کتاباں دی تندیر لگی پئی ہئی۔

اوہک چاتے جلدی نال ریحان کول چلی گئی۔ او کوں ساری گالھ ڈس تے یولی ”ریحان! میڈے گھر آون  
وچن داریہ ای ہک گھنٹے دا ہے تے اتنی دیر دی میکوں بیک ہے۔ جیکر میں صرف ہک گھنٹہ کتاباں والے  
کمرے وچ سم پوواں تاں سارا مسئلہ ای حل تھی ویسی۔“

”نہیں نہیں! ریحان ویل گیا۔ کوئی گاہک اتھاں چلا گیا یا گھروں کوئی اتھاں آگیا تاں کیا آکھسی جو میں  
اڈے ہک عورت کوں سمائی بیٹھاں۔“

”عورت“ زہرہ دالا سنگ وچ پھس گیا۔ میں تاں اتھاں سیڈی بھین دی حیثیت نال آئی ہاں۔ میڈی کلاس  
فلور۔“

”اوتاں ٹھیک ہے زہرہ! پر پلیز آپنی ٹپ تے میڈی پوزیشن کوں سمجھ۔ آئی ایم سوری زہرہ۔“

زہرہ پوڑیاں لہندی پئی ہئی جو ہمد م او کوں خیال آیا ایس پلازے دے نال ای فلیٹ ہن۔ ہک فلیٹ وچ  
اوندے چھوٹے بھرا ادا دوست سلمان رہند ابا۔ ڈوجھے شہر توں اتھاں پڑھن آیا ہا۔ میڈیکل کالج دے پہلے  
سال وچ ہا۔ ویک اینڈ تے زہرہ دے بھرا کول آویندا۔ ویسہ اکو بیسہ سال لاں داسدھاسا دانیگر۔ ہن تاں  
کالج کوں آگیا ہوسی۔

زہرہ نے سوچیا تے فلیٹ دی بیل کیتی۔ سلمان باہر نکھیا تاں زہرہ کوں سکون جیہا مل گیا۔ اوں سارا مسئلہ  
او کوں ڈسیا

”صرف ہک گھنٹہ کیے مانی“  
”نو پر الم بابجی۔ تاں میڈے کمرے وچ سم پو و میں نال والے کمرے وچ پیہہ وینداں۔“

”اچھا۔ اتھاں کوئی ڈسٹرب تاں ناں کر یسی؟“

”کوئی ناں بابجی“ سلمان نے جلدی نال ہیڈ شیٹ سدھی کیتی تے سر ہانر کھ کے ڈو جھے کمرے چلا گیا۔  
زہرہ ہیڈ تے ایویں ڈٹھی جیویں صدیں داپنڈا بھوگ تے آندی پئی ہووے۔ مندر نے اونڈیاں اکھیں تے  
آپنا ہتھ رکھ ڈتا۔

حالی پنج منٹ ای تھئے ہوسن دروازہ وچیا۔ زہرہ نے وڈی مشکل نال اٹھی تے در کھولیا۔ سلمان لفافے وچ  
سموے گھدی کھڑا ہا۔

”اے کھا گھن بابجی۔ تما کوں بھہ لگی ہو سی۔“

”اوہو رکھ ڈے۔ اے تاں ونجن ویلے کھا گھناں ہا۔ کچی مندر وچوں اٹھا ڈتی۔“

زہرہ اختی تھی تے پولی تے ول جیویں او کوں آپنی غلطی دا احساس تھیا۔

”تھینک یو مانی۔ ایں تکلف دی لوڑ تاں ناں ہئی۔ رکھ ڈے۔ اٹھی تے کھا گھنساں۔“

اے آکھ تے زہرہ نے در ولایا تے بسترے تے ڈھہ پئی۔

کچھ دیر بعد ولادر کھڑکیا۔ زہرہ دا دماغ بنوردی کارتپ گیا۔ اوں در کھولیا تے وڈی مشکل نال آہنٹ لہجے  
کوں نارمل کرتے پچھیا۔

”ہن کیا گالھ ہے۔“

”بابجی۔ میڈا اتھاں پین رہ گئے۔ میں ضروری نوٹس ہٹاؤٹے ہن۔“

”اچھا۔ ہن در کھلیا پئے۔ میکوں ناں جگاویں۔ جو کچھ گھنٹا ہووے چپ کرتے گھن گھنیں۔“

زہرہ نے ایسیاں گھنٹیاں آکھیا تے بسترے تے چلی گئی۔

زہرہ کوں ستیاں ڈاہ منٹ وی ناں تھئے ہوسن جو کچی پکی مندر وچ او کوں ایویں لہجیا جیویں کوں خواب وچ

اوندے والاں تے ہتھ پھریندا پیا ہووے تے دل اے ہتھ اوندے کن توں تھیدا گل تئیں آگیا ہا۔

زہرہ نیں اکھیں کھول ڈتیاں اپنے اتے سلمان کوں نو یا ڈیکھ تے اوندا ساہ کھڑ گیا۔ اوہ اٹھن لگی تاں سلمان

نے اوندے ڈوہیں مونڈھیاں تے آٹے ہتھاں نال بار سٹیا۔

”سم پو زہرہ۔“

اوہ ہو لے نال نرم لہجے وچ پو لیا۔



”زہرہ۔“

اودھک جھٹکے نال اٹھی پٹھی تے آپنا بار چاتے سمجھے سمجھے پاہر نکل گئی۔

کپیوٹر دے اگوں پٹھی زہرہ تے مندر تاں ول ول حملہ کریدی ای پٹی ہئی۔ ہن ذلت دے احساس نے وی اوکوں لوہان کر ڈتاہا۔ اوندے اگوں لال خونی رنگ کھنڈ گیاہا۔ تے اوکوں کپیوٹر دے لفظ وی رتے لال پے نظر دے ہن۔ پتہ نہیں چھٹی تیں او کیا کریدی رہی۔ شام کوں تنخواہ گھن تے او گھر بھی۔

اگلے ڈینہہ بال کوں ہسپتال داخل کراتے اود فتر گئی تاں باس نے اونڈیاں کل دیاں غلطیاں گنوا تے آپنا نقصان ڈسیا۔

اوباس جیڑھا احترام وچ اوندے نال کھڑا تھی تے گلہ کرینداہا۔ اج غصے وچ پتہ نہیں کیا کیا پیا آہدا ہئی۔ دفتر وچ اوندی عزت داجیڑھا تاج محل اسریا ہو یا بادھڑام کرتے زہرہ دے اتے ان ڈٹھا۔

بال پتہ نہیں ٹھیک تھیا یا نہ۔ پر او مہاندری شاعرہ جیڑھی صرف ہک گھنٹہ کیتے سمن چاہندی ہئی برین ہیمرج نال دی مندر سم پئی۔

### حکومت پنجاب کنوں کالجیں تے لائبریریئیں کیتے منظور تھیاں ہوئیاں کتاباں

۱۰	فردوس ٹھگال	۵۰/=	۱	لغات فریدی	۴۰/=
۱۱	خواباں وچ خیال	۲۰/=	۲	سرائیکی اردو ڈکشنری	۲۵/=
۱۲	سیج پھلاں دی سیج ڈکھاں دی	۲۰/=	۳	سرائیکی اردو بول چال	۳۰/=
۱۳	رستم تے سراب	۱۵/=	۴	سرائیکی قواعد تے زباندانی	۴۵/=
۱۴	کتکالیاں	۱۵/=	۵	سرائیکی اور اس کی نثر	۵۰/=
۱۵	توبہ زاری	۳۰/=	۶	سرائیکی زبان تے ادب	۵۰/=
۱۶	کوڑا خواب	۱۵/=	۷	سرائیکی شاعری دے اوزان تے قوانین	۲۰/=
۱۷	سوہنے دا خلق	۳۰/=	۸	سرائیکی سمل	۱۵/=
۱۸	خیابانِ خرم	۴۰/=	۹	سرائیکی مطالعے دے سوسال	۵۰/=

ملن دا پتہ :- جھوک سرائیکی سرائیکی ادبی مجلس بہاولپور



## لال بتی

سیکنہ زور نال پھلیں دی ٹو کری بھکائی۔ رتے رتے گلاب دے پھل اتے انہیں دیاں پتیاں  
چھوٹے جہیں کمرے وچ کھنڈ گیاں۔ کمرے دی ہک چند جیڑھی پورچی خانے دے طور تے استعمال کیتی  
ویندی ہئی، اوندے وچوں ماء اٹھی کے جلدی نال سیکنہ دے کولوں آئی، اوں گھبرائی ہوئی آواز اچ پچھیا  
”خیر تاں ہے سیکنہ! کیوں کاوڑ وچ ہیویں کیاوت پھل نہیں وکے؟“  
”ہا اماں! اچ پھل نہیں وکے“

”پھل نہیں وکے تاں ایندے وچ انہیں داکیا قصور اے جو توں اتنی بے دردی نال انہاں کوں بھکاری۔  
رزق دی توہین نہیں کریندی پتر!“ اوں کمرے دے تل تے کھنڈے ہوئے پھل چند تیں آکھیا۔  
سیکنہ کوں آپنی غلطی دا احساس تھیا تاں اووی پھل چنٹ پئے گئی۔ ”ہاء توں ٹھیک آہدیں۔ انہیں  
دی تاں میں پہوں حفاظت کریندی آں پتہ اے اماں..... جتھاں میں کھڑی راہندی ہاں اتھاں ذرا  
جیہاں پچھانواں ہوندے تے میں وی پھلیں کوں رکھی کھڑی راہندی آں۔ آپ سارا ڈینہہ دھپتے  
کھڑی راہندی آں جو کتھائیں ایہ پھل کماٹنے نہ تھی ونجنٹ۔ اماں توں وی تاں میکوں کہیں ویلے پھل آہدی  
ایں۔“

”ہا پتر! توں میڈا پھل ای تاں ہیویں۔ تیڈی خوشبو نال تاں میڈی ساہ آندی ویندی اے۔“  
”اماں ہک گالھ آکھاں میں وی پھل آں ایہ وی پھل ان۔ میں تے آٹنے پھلیں دی اتنی حفاظت  
کریندی آں۔ پر توں تاں اینویں نیویں کریندی۔ میں سارا ڈینہہ کپڑا پسا پسا کیں انہیں تیں سیڈی آں  
تے توں میکوں دھپتے بھیج ڈیندی ایں۔“

”انجھیاں گالھیں نہ کیتیاں کر سیکنہ، تیکوں کیا پتہ میں تیڈے بھالے دی سولی تیں کتنی اوکھی تھی  
کے باہندی آں۔ میں وی تاں سارا ڈینہہ کم کریندی آں۔ تیکوں پھل پو ڈیندی آں۔ پھل کٹھے کر آندی  
آں۔“

”ایہ تاں صحیح اے پر میڈے حصے وچ پہوں اوکھا کم ہے۔ میڈے کولوں تاں سر کچن کیتے پو چھن دی



ہائی۔ ہک لیر اے جہڑی نہ سی ڈکھیدی اے تے تاں دھپ۔“

ماء بڑپ کے اوکوں بگل نال لاگھدا۔ ہک ممتا ای تاں ہئی اوکوں ڈیوٹن کیتے۔ اپنی ڈسکار ٹھڈے ساہ وچ لکا کے اوں سکینہ کوں سینے نال لاگھدا۔ جو ایندی آواز اوندے کنیں وچ سہسے آلی کار لندی پئی ہئی۔ ڈسکار و فن کیتس تاں ہنجوں واہوٹن لگ پئے۔ سکینہ دے رخ تے ہنجوں دیاں پھینگاں بگیاں تاں اوں سر چا کے آکھیا ”اماں و ت توں رووٹ پئے گئی ایں۔ توں تاں آہدی ہانویں جو زندگی ہک کھیڈاے۔ کوئی بازی کیوں کھیڈدے اتے کوئی کیوں۔ ایہ کینجھھی کھیڈاے جیدے وچ توں ہمیشہ رو پوندیں۔ اساں رقیہ کوں ہیں واسطے اپنی کھیڈ وچوں کڈھ چھوڑیندے ہیں جو جیڑھے ویلے او ہرن پوندی یا اوکھی تھیدی اے رووٹ پئے ویندی اے۔ میکوں اوندے کو لھوں یہوں کاوڑ لگدی اے۔ اماں توں وی اوہو کم کرڈتی۔ توں رو ویسیں تاں تیکوں وی زندگی دی کھیڈ وچوں کڈھ چھوڑین۔“

ماء رووٹ بھل گئی تے اونزیاں گالہیں تیں غور کرن پئے گئی۔ ”سکینہ! تیکوں ایہ گالہیں کون سکھیدے۔“

”کوئی ناں اماں! ایہ ساریاں گالہیں توں آپ کر کے بھل ویندیں۔“

”اچھا ایہ ڈساجو کاوڑی کیوں ودی ہانویں جیڑھے ویلے تیکوں ہر شے دی سمجھ اے؟“

”اماں میں تاں لال بتی تے ناراض تھی ودی آں۔ اماں او میڈی سہیلی اے میکوں او چنگی لگدی اے کیوں جو جیڑھے ویلے او بلدی اے تاں میکوں پھل وچن ڈا موقع مل ویندے۔ آج میں اوندے کولوں رسی ودی آں۔ جیڑھے ویلے کوئی پھل گھنٹ پوندا ہا او دسم ویندی ہئی۔ او جلدی نال اگوں ودھ ویندے ہن۔ پتہ اے اماں..... میکوں اے لال بتی چنگی وی لگدی اے تے میکوں جیرت وی تھیدی اے جو ہک نکی جہی بتی ایہ سویں کاریں کوں روک ڈیندی اے۔ اماں کہیں ویلے میڈا دل آہدے جو میں وی لال بتی بن ونچاں میڈے اشارے تیں اینویں مخلوق رک ونجے۔ اماں ایہ میڈی دلی خواہش اے۔ بندہ جیڑھا کجھ سوچیندا رہ ونجے او تھی ویندے۔ کل کر مون بابا ایہ گالھ اپنے پتر کوں ڈسیندا پیا ہئی۔ اماں میں وی ارادہ کر گھدے جو ہک ڈینہہ میں وی لال بتی آلی کار پوری ٹریفک روک ڈیاں..... توں تاں گمر پٹھی ہو سیں۔ تیکوں پتہ کیوں لگسی۔“

ماء حیرانی نال اوندانہ ڈیہدی رہ گئی۔

دنیا دے کثیف تے گندے سمندر وچ ساہ گھن دا ایہو تے ہک ذریعہ ہئی۔ کہیں کہیں ویلے اوکوں اینویں لگدا ہا جو سکینہ دیاں گالہیں کہیں خاص واقعے دا اشارہ ہن۔ خدا جانے کیا تھیوٹن آلاہے۔ ایندے

اگوں اوجھ نہ سوچ سجدی ہی بنی اوندے گھر دا ڈیو اسارا ڈیہندہ طوفان دی زد و سچ ہوندے۔ اللہ اوندی حفاظت کرے۔ !

سیکنہ واپو وی ای نو یس چاہیں کریند اہا و نکوں وی کہیں دی نظر کھا گئی۔ او سیکنہ کوں وی ہجید ی ہئی جو "توں کہیں تال الا یا نہ کر"

ہب ڈینہ سکیں گھر آئی تاں او ندے رخ تیں پھر دے ہلکے ہلکے قطرے ہن، ماء گھبراکیں پچھیا: ” کیا گالھ اے سکیں؟“

”کچھ نہیں اماں! کیا میڈے منہ تیں کوئی شے ہلگی کھڑی اے“

”کیوں پتر کیا ہے؟“

’اماں ہک جوان ارج بہوں غور نال میڈو ڈیہد اپٹھا ہا۔ اوں میکوں آکھیا تے کجھ نہیں پر او ندے اچھیں کنوں میکوں بہوں ڈر لگد اپیا ہا۔“

ماء غور نال سیکنہ دوڑٹھا تاں او نکوں احساس تھیا جو سیکنہ دے منہ توں نظر ہٹاؤں دل نہیں کریندا۔ او عمر دی انکھی منزل تیں آپجی اے جتھاں سب کچھ وٹج ویندے شکل شاہت، جذبے، سوچاں تے او نکوں ڈیکھن آلیاں دنیاں دیاں نظراں۔

سکینہ دی ماء و اول دہل گیا۔ اوں جلدی نال اکھیں تلے سٹ گھدیاں۔

اوں ول سوال کیتا ”کیا ہے اماں؟ توں کیا سوچن پئے گئی ایں؟ اچھا ہٹ میں آپ شیشہ ڈیہدی آں“  
 ”ناں ناں سیکنہ! توں شیشہ نہ ڈیکھیں“ اونہ چاہندی ہئی جو سیکنہ کوں احساس تھیوے جو اوندے وچ کئی  
 گالھ توجہ وٹاؤن آلی اے۔ کتھائیں ایہ احساس تے عمر دا ایہ دور رُل نہ و نجن۔ جیکر ایہ رُل گئے تاں  
 سیکنہ کوں یہوں دور گھن ویں۔ اوندی حیاتی وی ہک پھل جتنی تھی ویسی جیوں کوئی گھڑی ڈو گھڑی ناں  
 رکھن واسطے گھنسی تے ولا زمانے دی دھوڑ تے مٹی دے حوالے کر ڈیسی۔

”نہ سکی نہ دھیریں شیشہ نہیں ڈبیدیاں۔ شیشے وچ بدروحاں قید ہوندن۔ جبرہاں ڈیکھن آلیں تے قبضہ کر گھندن۔ یکھے جبرہاں چاہندن اوواں چھوہر کو لوں کرویندن۔“

”واہ اماں! توں وی عجیب گالہیں کریندی ایس۔ انہیں کوں بدروحاں کجھ نہیں آہدیاں جبرہیاں کاریں وچ  
یہہ کے شیشہ ڈیہدن۔ پتہ ہئی اماں جبرہے ویلے لال بٹی بلدی اے تاں اکثر تریسمتیں شیشہ کدھ کے  
ڈیکھن پئے ویندن۔ اودھیریں نہیں ہوندیاں یا انہیں دے شیشے وچ بدروحاں کائنی ہوندیاں۔“

”ہک تاں میڈے نال ڳالھ کرن فضول اے۔ انہیں تریمتیں دے برتیں وسیب دے پیریں دا ہتھ



ہوئے۔ چرھا انہیں کول بدروہیں کنوں چیدے۔ اساتے بے پیرے تے بے سینکے ہیں۔ پتر!  
اساکوں ایہ گاہیں زیب نہیں ڈیندیاں۔“

اوں ماء دی گالھ من گھدی۔ پر ذہن دی کہیں چند وچ ایہ خیال وی پہہ گیا جو میں انہیں  
بدروہیں کول ضرور ڈیکھساں۔ بے ڈینہہ او بگی تاں او بندہ وی آ گیا۔ او وی شاید فٹ پاتھ تیں جتیاں  
پالش کرن آ باہندا ہئی۔ سیکنہ کول اوندے ڈیکھن نال کاوڑ لگدی ہئی۔ ہک ڈینہہ او کاوڑ وچ آ کے  
اوندے کولوں بگی گئی۔ اوندے کولہو پھٹن پے گئی جو کیا میڈے منہ تیں روغن تھیا کھرے، توں میڈو غور  
نال ڈیہدا پٹھیں۔

اول خبیث کھل کھل کے آکھیا جو ”تیں کڈا ہیں شیشہ نہیں ڈٹھا۔ ڈیکھیں ہاتیں میڈے کولہو پھٹن دی  
جائے..... اوں گالھ ادھوری چھوڑی ڈتی۔“

سیکنہ اتھوں ول آئی تاں ولا ولا اوندے ذہن وچ اوں جوان دی گالھ آندی پئی ہئی۔ پر او نکوں  
اوندے ڈیکھن کنوں کاوڑ لگدی ہئی۔ ات واسطے اوں زیادہ نہ سوچیا۔ ماء وی اوں ڈینہہ دی الجھن وچ ہئی۔  
او وی سمجھدی ہئی جو سیکنہ کول گھر بلھاوٹ دا ویلہا آ گئے۔ ہک ڈو ڈینہہ اوں او نکوں بہانے نال کم تے ناں  
ونجن ڈتا۔ جیرھے ویلے توا پٹھا تھیا تاں مجبوراً او نکوں ولا بھج ڈتس۔ ہٹن او سویرے کنوں لاشام تیں بے  
قراری نال دھی دا انتظار کریندی ہئی۔ او نکوں سمجھاوی چھوڑیندی ہئی جو وادھو گالھ کہیں نال نہ کریں۔  
میں معذور نہ ہوواں ہاتاں تیکوں کم تیں نہ بھجیاں ہا۔ او او نکوں زمانے دے اچ جھک سمجھیدی رہ ویندی  
ہئی۔ کوئی گالھ تاں اوندی سمجھ وچ آندی ہئی تے کہیں کول او گھر رکھ کے بگی ویندی ہئی۔

ہک ڈینہہ اوں شیشہ ڈٹھا تاں حیران رہ گئی۔ ماء جیرھے آسیب کولہو ڈریندی ہئی ہکے ڈینہہ او  
اوندے قبضے وچ آ گئی، او نکوں احساس تھیا جو او ڈیکھ دی شے ہے۔ کوئی ڈیکھے تاں برامناوٹ دی گالھ نہیں۔  
او نکوں فٹ پاتھئے موچی دیاں گاہیں سمجھ آون پئے گیاں۔ ول او ہک دم چپ کر گئی۔  
ماء دیاں ڈسیاں ہویاں گاہیں وی اوندی سمجھ وچ آون پئے گیاں۔ او کجھ سمجھ کے اتے کجھ اُنٹ سمجھیاں کر کے  
رُپئی۔

اچ او ویندی پئی ہئی تاں یہوں چپ ہئی۔ ہک ہک پھل کول غور نال ڈیہدی پٹھی ہئی۔ ماء  
او نکوں ڈٹھا تاں سوچن پے گئی۔ جو کیا گالھ اے۔ اچ اوں ماء نال نہ الایا۔ چپ کر کے بگی گئی۔ ماء دا دل  
آہایا ہا جو اچ او نکوں روک گھنے۔ پر اوندے روک بگی۔ فٹ پاتھ تیں آئی تاں او جوان پہلے آیا پٹھا ہئی۔ اچ  
ٹریک دارش یہوں گھٹ ہئی۔ او پھلیں تیں سنا کپڑا سییدی ہئی۔ پانی دانکا ذرا ہٹ کے ہئی۔ او کپڑا چا کے



سیکنہ دا خون اِج لال بَتی بَن گیا ہا۔ اوندی مدتیں دی سک پوری تھی گئی ہئی پر او آپ نہ ڈیکھ سہجی ہئی۔ خون کوں ڈیکھ کے ساری ٹریفک جام تھی گئی ہئی۔ آپ کوں چاؤن کیتے اوں لال بَتی دا سہارا گھدا ہا۔ پر لال بَتی اوندے نال وفانہ کیتی ہئی۔ اوندی سہیلی اِج اوندے کیتے عزرائیل ثابت تھی ہئی۔ سک دا پندھ آخر ہندے کوں منزل تیں پجا ڈیندے۔ اونکوں لال بَتی آلی کار طاقتور بن دا شوق ہا ایں طاقت دی قیمت اوندی زندگی ہئی۔ ٹریفک رکی پر اوندے خون نال۔ ماء کوں جبرھے ویلے پتہ لگاتاں او پاگل تھی گئی۔ سیکنہ دی موت اونکوں لال رنگ کولہوں خوف زدہ کر ڈیتا۔ لال بَتی ڈیکھ کیس او ہنٹ وی چیکاں مارن پئے ویندی ہے۔ تے او ایہو کجھ آہدی اے جو ایہا بَتی نہ وسمائے میڈی سیکنہ ٹپدی پئی اے۔ ایہ ٹپ ونجے تاں ول وسمے۔ اولنگڑا کے ٹردی ہوئی اِج وی سڑک تیں آ ویندی اے اتے لال بَتی کوں ڈیہدی اے، کیس ویلے روندی اے، کیس ویلے کھلدی اے۔

# اسٹیشن ڈیزل حکیم

فون نمبر: 7432

اسلم خان موٹرورکشاپ

دکان نمبر 10-11 رینو مارکیٹ چوک سرانسیکی بہاولپور

ہمارے ہاں ڈیزل اور پیٹرول گاڑیوں کا کام تسلی بخش کیا جاتا ہے



## جہانگیر مخلص

سانو لاریگ و نگرے وال تلوار تک پتلے تھوڑ منہ متھا کھلا تلی واٹویاں مٹھاں، لا پڑ کناں، ہرنی  
جہاں شکلوں مسکین اللہ راسی بھولا بھالا صحیح سچ دایتم عملاں داند قد پنج فٹ ڈاھ انچ سارے لنگ سلامت  
پر زبانوں بڑا، سڈامنڈا پر ہک رگ ودھ۔ بہترین اتھلیٹ، شاندار فٹ بالر، چوٹی داسا کلسٹ من بھاوٹا  
گلوکار خطی پندھیڑ وجیڑھا بھٹن ہک واری ملے اول سک اچ ہے جسیں بگن سبکین اوزیدارد ابھھا۔ خوشی دے  
سے ایندے پاجھوں ادھورے سرانیککی زبان دا ابھر انقلابی شاعر، بھٹن سمجھ گئے ہوسن، جیڑھے نی سمجھتے  
اولا کھن۔ سوٹنا ایسہ ہن ساڈے نکلے لادے یار تے مٹھاں دے سنگار جہانگیر مخلص سیں، مخلص تاں  
قلبی ناں تھیا۔ انہاں دا اصلی تے سرکاری ناں ملک جہانگیر عبدالغفور نانچ ہے۔ جاہ نکاٹا دے بیس، شاعریں  
گلوکاریں تے فنکاریں دا شہر احمد پور شرقیہ جیڑھے اتے مخلص کون مانٹ ہے، آہدے :

ساکوں ہند تے سندھ پیا جاٹے  
اساں لوک ہیں احمد پوری

سن ٹھ وچ پار ہو یں مہینے دی ویسہ تارح کو جیئے پیٹ گھر وڑی، سکدیں لوہندیں دا، چایا منت  
نیش دا، سوریا پیر فقیریں دا، ترائے بھینیں دی اکھ داتارا، تریسہ سالانورا (ہن کھارے چڑھ گئے)  
جئے داموسم پوہ داپالا۔ اللہ جاٹے جو ویلا کیا ہا۔ اساں وی ڈھیر تحقیق کینی کیتی۔ پر بچاں دی ہورائے  
ہے جو ملک صاحب ٹھیک ڈینہہ دے پارہاں وچے جے ہوسن جے پارہاں وچے نی جیے تاں بٹے ٹھیک ڈینہہ  
دے پارہاں وچے ہوسن، ایں گالھ تے ساری سنگت دا ایکا ہے جے کہیں بھراکوں شک ہووے تاں  
ہاڈے نال لین ملاوے۔

مخلص ڈھیر مند چپ رہیے بولنے تاں چپ تھیوٹن اوکھا لگدے نیچر جتھ بیٹھا ہووے ایویں بندے  
کٹے تھی ویندن جینویں بڑواتے کھیاں۔ راہ ویندے نال کھڑیسی، نہ چکسی دھک مارٹن کنوں، عادت توں  
بجورے۔ کیا سونہاں تے کیا اُن سونہاں کتھائیں بہہ جو ونچے جان چھڑاؤن اوکھا تھی ویسی۔ پھپھاڑی او  
جورے رب داناں۔ مجال ایندی سنگت اچ بیٹھا بندہ ایڈے سر کے یا اوڈے پھر کے ککھاں اچ ہتھ گھٹوا

ڈیندے۔ اچکل جیڑھی شاعری کریندا پئے ڈکھائے ہک نہ ہک ڈیہاڑے ڈھنچ کھڑی۔ شاعری ہنیں  
 شروع کیتی ہس ایہو ستاسی اٹھاسی اچ منڈھ اچ تاں لڑھ مریندارہ گئے۔ ہن مسیں بندہ ونج ہنئے (شاعری  
 دے حساب نال) نتاں عمل اوہے ہن اس جیڑھے ہن۔ پوٹن سٹ جیڑھی شاعری کیتی ہس اونکوں چھوہ  
 جھوہ نیوہ بجر وڈے مزے نال سندن۔ چساں چیندن لیہلوں و ہندن۔ شاعری کیتی ہس قمر کیتس مار گھتس  
 جے میں اتھ نمونہ کلام لکھ چھوڑاں تاں اللہ جانے کیا تھیوے۔ اگے ای سرانیکی زبان داگھوٹ نظر  
 لشاری مخلص کنوں پرے بھجے تے کن مریندے حالانکہ گالھ ہک نکے جہیں قصیدے دی ہے جیڑھا جو  
 بلو چاں دی شان اچ لکھیا گئے یول ہن :

وے	بلو چو	کچھ	تاں	سو چو
میں	نیانی	کوں	نہ	رولو

نظر خاں دے علاوہ وی ڈھیر بندے اچھے ہن جیڑھے مخلص کنوں وٹ تے رہندن متاں کہیں  
 ویلے نوہو بلا مار گھنے۔ بندے دے پھٹن دا کوئی پتہ لگدے۔ ہک دفعہ تھیا ایں جو مخلص دے ہک یار دی  
 شادی گہنچ گئی اوں اللہ دے رتے ساری سنگت ساتھ کوں سڈیا کانڈھا ڈتا پر مخلص کوں نہ سڈلیں، جان  
 تے نہ سڈلیں جو منہ پھٹ ہے۔ متاں میادری اچ گندی کرے۔ تھیا تاں کھوچر بندہ، سیت ہر گئی جوان دی  
 ۔ مخلص کوں پتہ لگ گیا آخر لگنا ہا۔ سہرہ لکھ کتابت کروا ساری کانڈھ اچ ونڈا ڈتس، ول تاں او تھئی جو  
 دشمن نال نہ تھیوے ہر پاسے بل بل پئے گئی۔ ڈو ڈو تھی گئی۔ سرے دے یول ہن :

سرا	لکھے	می	یار	دا
ہک	یار	دا	مردار	دا
-	-	-	جو	ہا کردار

مخلص وڈے گانڈھے آلا نیوہ اے۔ گانڈھا گنڈھن ایں کنوں بس ہے۔ راہ ویندے نال بس  
 وچ، گاڈی اچ منٹ اچ رشتے داری گنڈھ گھنسی، بندہ بھانویں تھردا ہووے تے بھانویں شمالی علاقے دا۔  
 اتھائیں ٹھک ونج تھیسے۔ میں حیران آں ہر زبان دے بندے نال ہر مزاج دے بندے نال فٹاے۔  
 الٹی ملٹی یار مینس۔ پاکستان تاں اپنا گھر تھیا۔ غیر ملکاں اچ تعلقات مینس۔ ایہ نی جو چھڑے جواناں نال  
 تعلقات ہوون، رناں جواناں دا خادم اے۔ مخلص ہر فن مولا کھیڈاری اتھلیٹ، سائیکسٹ۔ کئی داری  
 احمد پوروں کوئے، آزاد کشمیر تے لاہور تیس ٹیم گھن تے گئے۔ سراور عبدالقیوم نال آ ونج رہ گئی ہس۔ ہک  
 پھیرے اوندا مہمان ونج تھیا۔ اوں شودے صدارتی شیلڈ ڈے تے جان چھڑوائی۔ محمد خاں جو



(بہشتی) نال وی وڈی رام ست ہس۔ ہک دفعہ چوڑاں اگست دے مذب تے اوکوں ونج ملایا ہا۔ ایہ تاں اللہ اوکوں سنبھال گھدا متاں ایہ اوندے برہا۔

مخلص پہلا سرائیکی تے پہلا پاکستانی اے جیہوں امریکہ دے کلب (The International Bicycle Association) جیڑا جوا امریکہ دی ہک ریاست (Montana State) اچ ہے، رجسٹرڈ کیتے تے نال امریکہ آون دی دعوت وی ڈتی اے۔ آؤ گلھ کرو آخر کرنٹ ہن جوان اچ تاں امریکہ آلے ای سڈیندے کھرن۔ پاکستان اچ تاں خیر مارکہ منہ کھیدن۔ بہر حال ٹھیک ٹھاک عزت ہس۔ احمد پور آلے گھاہ نی گھتیندے احمد پوروں نکلد او نچے ول ہتھ نی آندا۔ جیدے ہتھ آوے او ہو دہی ویندے۔

مخلص ہیرا جوان اے ہیرا۔ پر حالی تیں کہیں تاج اچ فٹ نی تھیا۔ فٹ ای کیا تھیوے تخت تاج تاں رہ نہ گئے۔ اللہ چاند اکھڑے جے مخلص مغلاں دے دور اچ جہد اتاں مغل کھیل تے بازوں ڈیندے نال جاگیراں وی، پنج ہزاری ست ہزاری دا خطاب ای ملد پر قسمت شودے دی ہک تاں جمیلیٹ اے ول جیہا سرائیکی وسیب اچ اے جتھ انسان بچھ مردن کتے مکھن کھاندن۔ پر مخلص خوش اے آہدے حاجی صاحب! لکھ بچھ ڈکھ ہووے پر دھرتی اپنی ہووے۔

مخلص کپڑا لٹاوی چنگا پیندے دھاتا پوتاوی راہندے۔ اپنے آپ کوں کچید امخید اووی ڈاڈھا ہے۔ پر قدرت رنگ زری چوکھا چڑھا چھوڑیے۔ رنگ ای ایس پکا اے جو پھٹن ڈاناں نی گھدا۔ لکھ کچیدے مجال زری فرق پووے۔ ایمان نال وڈے گٹاں آلا جوان اے۔ کوئی ہک ہووے تاں لکھاں۔ موٹر سائیکل آگئی۔ حاجی صاحب! زری موٹر سائیکل تاں ڈکھاویں ہا، دیرے نواب اچوں تھیا آواں۔

”یار مخلص ولن دی چیٹ کریں، میں ضروری کم ونجئے“ بس ول ڈاڈھی اہر کریسی۔ وڈا تھکا جوان اے بے ڈیہاڑے آکھڑی۔ جیڑا ہلے روح تھیوس۔ دل مچھ ابھدا آسی۔

ساکوں تاں پاڑا گھالے اچ پیا کھڑے۔ کیا کروں بڑی وی نئے چاسچہ ہے۔ پیو ڈاڈے دی جائیداد اچ بیٹھے ہیں۔ ونجوں تاں کیڈے ونجوں گرمی ڈیدھے نہ سردی ٹھک آتھیدے۔

”حاجی صاحب! بازار جلوں ہا“

”چلو سکیں۔ چوکھا کم اے“

”ہس پیو سے تے ویو سے“

جڈال دی رلے گھن تے ویسی، ہوں ڈیہاڑے میڈے بال ہکھ سکسن۔ ویلے برولساں تاں سودا ای گھن ڈیاں۔

## اچ کاشی گری

کوئی دوروں ڈیکھے تاں، نیل کنٹھ پئے اڈدے، شر دیاں بگلیاں اتے  
تردے، اچیاں جھکیاں ماڑیاں واہندے، نیل کنٹھ پئے اڈدے

پر جے نیڑے ونجو، چار چغیرے گھم تے ڈیکھو، ”بھانویں ایسہ کوئی  
مینہ پیادسدے، پنڈے اتے کنیاں پوندن کپڑے نیں ہدے، یا  
وت کھئی دھپ وچ ٹھڈی واگھل پئی ہے“

بھانویں کہیں پاسے کھڑ ڈیکھو، نیل کنٹھ تاں چھاوئی پاتی بیٹھن،  
بھانویں کہیں کول زور زور دیاں ہکلاں مارو، اچیاں اچیاں گالہیں کرو  
، ایسہ نیں اڈدے، ٹردیں ٹردیں بچ پوو، بگلیاں وچ دڑکار کرو،  
ہپاں دے بھر چو چو ڈیکھو، ہتھ اُلا رو، ایسہ اچھدے نیں  
----- ایسہ تاں سلہاں دے آٹنیاں اندر اکھیں نوٹ تے  
کھنب کھنڈائی بیٹھن۔



## موت

لو کی آہدن  
ایہ بک نیلا بکھی ہے  
گھائے جنگل و چوں اڈ دے  
دوروں ایندے پکھ چمکدن  
یاوت واہندے پانیاں ایندا  
جھولا پوندے  
کوئی آہدے بک ساوی چڑی ہے  
ہر کھاڈے داپانی پیندی  
یاوت جنگلی موراے  
اونویں رنگلے پکھ تے، کو جھے پیر  
ایہہ ہن بھانویں جیرا ہی شے ہے  
ساکوں ایندے ڈیکھن دی کوئی چاہ نہیں  
نیلی ہووے یا کہیں وٹن سونے رنگ دی  
ساکوں ایندے ڈیکھن دی کوئی سک نہیں

## رنگ

رنگ اتھا ہیں وسدے ہن پر  
لکے لکے  
تے تے یا اٹ دھوتے منہ نال  
گھروں یا ہر نکھتے ہوئے  
رنگ کہیں بندے دے آون توں پہلے  
کہیں دے پچھاں مڑتے ڈیکھن پچھوں  
کہیں بزار یا باغ اچ  
رُنیاں اکھیں تے پانی ڈے چھے مارتے  
گھروں یا ہر ٹر پوٹن نال  
رلی پوش فقیر دے سنگ یا  
لٹھیاں کوں مٹھ داٹھ پیندی نیگر رلے  
جاگ پوندے ہن

رنگ تاں اینویں کہیں ویلے وی  
جاگ پوندے ہن  
مینہ لہون توں پہلے یاوت پچھاں  
دھمی یاوت دیگر دی کہیں دھپ نال  
یو ہے تے یا کہیں انگ دے پچھوں  
بگلیاں اندر  
ساکوں تاں بس ایسو پتہ بگدے  
اچ کوئی کہیں نال کھل تے یو لے  
تر سمتیں نے کوئی ون سونے کپڑے پاتن  
رنگ نویں نی ہوندے  
اساں سڑکاں بگلیاں تے بزاریں وچ  
انہاں دے کولوں تھی کے لگھدے



## غزل

سانولا من بھانولا دلدار ہا  
 ہو بہو او شخص میڈی کار ہا  
 اوندے ہوٹھاں تے گلے اپنی جگہ  
 پر الا وچ پیار دا اظہار ہا  
 کتنے یوسف مل وکاندے رہ گئے  
 ہر زمانہ مصر دا بازار ہا  
 بن بدھیدی کیویں ہنجواں دے اگوں  
 ضبط کیتے حوصلہ درکار ہا  
 جبر رت وچ شعر میں آہدی رہیم  
 میڈے کولوں بس ایو ہتھیار ہا  
 نوکری دی بگول وچ او مر گیا  
 جیب وچ ڈگری تے ہتھ اخبار ہا

## غزل

رنگین سہارے کیا بچھو کچھ یاد رہے کچھ بھل گیوسے  
 کتنے پیارے کیا بچھو کچھ یاد رہے کچھ بھل گیوسے  
 تقدیر دی گردش وچ گھریا ترے ہوئے سپنے یاد آئے  
 راتیں کوں تارے کیا بچھو کچھ یاد رہے کچھ بھل گیوسے  
 کنڈے تال وی کنڈے ہن کنڈیاں توں ساکوں کیا شکوہ  
 پھلاں نے مارے کیا بچھو کچھ یاد رہے کچھ بھل گیوسے  
 پیچ و خم سیں وگرے وال زلف زنجیر نشیب و فراز  
 قسمت ہارے کیا بچھو کچھ یاد رہے کچھ بھل گیوسے  
 چاندنی رات مہکا بدن ہک چند اڈوں بیا سامنے ہا  
 سوہنے نظارے کیا بچھو کچھ یاد رہے کچھ بھل گیوسے  
 مست شرافی نیناں نے کیا عالم کیتا ایں من دا  
 دریا کنارے کیا بچھو کچھ یاد رہے کچھ بھل گیوسے  
 پھلاں دی مہک وسدے بادل ٹھڈیاں ہوائیں ہی ساون رت  
 مخمور اشارے کیا بچھو کچھ یاد رہے کچھ بھل گیوسے



فنیسی زیوارت کے لئے قابل اعتماد نام

# سلیم جیولریز

50 سال سے آپکی خدمت میں

جدید واریٹی

آڈر پر پیش کر رہے ہیں

چوک مچھلی بازار بہاولپور

دوکان - 875186

رہائش - 884126





## خواجہ فریدؒ صدی دیاں چار ڈینہواری تقریبات

5 نومبر 1999ء کنیں 8 نومبر 1999ء تک

پہلا ڈینہہ 5، نومبر جمعہ 15 شام نماز عصر 1 بجے

☆ کتابیں، نوادرات تے روپی دیکھیں مصنوعات دی نمائش

خواجہ فریدؒ ناں متعلق کتابیں، نوادرات تے روپی دیاں مصنوعات دی نمائش  
ایں نمائش وچ شامل تھیون والیں کتابیں، نوادرات تے مصنوعات تے پہلا انعام  
7000/=، ڈوجھا انعام 5000/= اتے تریجھا انعام 3000/= روپے ڈتاویسی

ڈوجھا ڈینہہ چھٹ چھٹ 6، نومبر 15 شام پنج بجے

☆ گل پاکستان خواجہ فریدؒ سیمینار

تریجھا ڈینہہ اتوار 7، نومبر شام ست بجے

☆ سرائیکی، اردو، پنجابی مشاعرہ

چوتھا ڈینہہ سوموار 8، نومبر شام ست بجے

☆ خواجہ فریدؒ دے عارفانہ کلام دی محفل

کانڈھی: سرائیکی ادبی مجلس جھوک سرائیکی بہاولپور

فون نمبر: 883990 (بعد مغرب)